

RITO RA XIKOMBISO

¶ A hi yimiseni xisweswi ntsena xinkadyana eVukoneni bya Hosi. A hi hlayeni eRitweni ra Yena, eka Eksoda, ndzimana ya vu4.

... *Muxe a hlamula a ku, Kambe, va ngaka, va nga pfumeri, va ngaka va nga yingisi rito ra mina: hikuva va ta ku, Hosi a yi tikombisang ka wena.*

Kutani Hosi yi ku ka yena, Xana i ncini lexi nga vokweni ra wena xana? . . . a ku, I nhonga.

Kutani yi ku, yi Hoxe hansi. Kutani a yi hoxa ehansi, kutani yi hundzuka nyoka; kutani Muxe a yi balekela.

Kutani Hosi yi ku eka Muxe, Tshambuluta voko ra wena, u yi khoma hi ncila. Kutani a tshambuluta voko, a yi khoma, kutani yi hundzuka nhonga evokweni ra yena:

U ta endlisa xisweswo va ko va pfumela leswi HOSI Xikwembu xa vatata wa vona, Xikwembu xa Abraham, Xikwembu xa Isak, ni Xikwembu xa Yakob, xi tikombisile eka wena.

Kutani Hosi yi engeta yi ku eka yena, Nghanisa voko ra wena exifuveni xa wena. Kutani a nghanisa voko ra yena exifuveni xa yena: kutani loko a ri humesa, a vona, ri basile hi nhlokonho kukotisa gamboko.

Kutani yi ku, Nghanisa voko ra wena exifuveni nakambe. Kutani a nghanisa voko ra yena exifuveni; loko a ri humesa exifuveni xa yena, kutani, a ri vona, ri hundzukile ri fana ni miri wa yena.

Kutani swi ta humelela, loko va nga pfumeri ka wena, va nga yingisi rito ra xikombiso lexo rhanga, va ta pfumela eka rito ra xikombiso xa vumbirhi.

Kutani swi ta humelela, loko va nga pfumeri eka wena, eka swikombiso leswi mbirhi, va nga yingisi rito ra wena, u ta ya ka mati ya nambu, u ma haleletela ehansi: kutani mati lowa u makeke nambyini ma ta hundzuka ngati e . . . misaveni.

² A hi korhamiseni tinhloko ta hina hi khongela. Sweswi loko mi ri ni swikombelo, emadyambyini lawa, leswi mi tsakelaka ku switivisa eHosini, ntsena yimisani mavoko ya n'wina mi ku, "Hosi, ndzi tsundzuki sweswi. Ndzi ni xilaveko."

³ Tatana wa hina wa le Matilweni, hi tshunelela eka Wena nakambe madyambu lawa, hi ri karhi hi swi lemuka leswaku tani hilaha hi korhamiseke tinhloko ta hina hi kongomanile ni thyaka leri hi humaka eka rona, kutani, loko U nga hlwela, hi

ta tlhelela eritshurini. Kambe hi ni tshembho lowu katekisiweke wa xitshembhiso lexi nga ka Kreste, leswaku hinkwavo lava nga eka Xikwembu Kreste U tata na vona. Ha—ha Ku khensa hi xitshembhiso lexi xo kwetsima. Kutani ndza khongela, Xikwembu, leswaku U tsundzuka un'wana ni un'wana wa lava nga yimisa mavoko ya vona, xikan'we na ra mina, Hosi.

⁴ Ndza khongela, madyambu lawa, leswaku eku pfaleni ka awara leyi ya ripfumelo, leswaku U ta ri nyika vanhu ripfumelo rero emadyambyini lawa, leswaku Hosi Yesu a va wa ntiyiso eka un'wana ni un'wana wa hina, leswaku ku ngavi ni munhu loyi a tsaneke exikarhini ka hina endzhaku ka madyambu lawa. I ngaku mudyohi un'wana ni un'wana a nga swi lemuka leswaku u le Vukoneni bya Hosi Yesu, kutani swingaleswi u ta hundzuka eswidyohweni swa yena, a nyiketa mbilu ya yena eka Wena, kutani a tatiwa hi Moya; eka tiawara leti to biha ta ku hetelela, ku kotisa loko hi tivona tani hi ndzhuti lowukulu lowu wu kokovaka emisaveni.

⁵ Ha khongela, Xikwembu, Matimba ya ku hi fambissa, madyambu lawa, yaku vulavula ni ya ku twa. I ngaku Moya lowo Kwetsima wu nga teka xikhongelo sweswi niku phema Xinkwa xa Vutomi eka un'wana ni un'wana wa hina ku kotisa leswi hi nga ni swilaveko, ha swi kombela hi Vito ra Yena. Amen.

Mi nga tshamisa.

⁶ Ndzi le ku tshembheni ka leswaku madyambu lawa hi ta kota ku hetisisa leswi hi nga eku ringeten'i ka ku endla leswaku vanhu va swivona, nti—nti ntiyiso wa kuva ni ripfumelo eka Xikwembu.

⁷ Sweswi, mundzuku ni nhlikanhi hi hafu ku bile awara ya mbirhi, hinkwavo lava nga ni makhadi ya xikhongelo va taya khongeleriwa. Kutani swingaleswi hi vona leswaku a kuna loyi a siywaka ehandle, lava va pfumalaka makhadi ya xikhongelo, madyambu man'wana ni man'wana ha ma humesa makhadi ya xikhongelo. Kutani u ta tlhela a mi nyika wona nakambe mundzuku, hikwalomu... ndza ringanyetela, kwalomu ka hafu ku bile awara ya n'we kumbe swin'wana swo fana ni sweswo, ntseña xikhongelo xi nga se sungula. Kutani hinkwavo lava tsakelaka ku khongeleriwa, ni va n'wana va varhandziwa va n'wina, va endleni va ta vata kuma makhadi ya xikhongelo. Hakunene-nene va ta—ta amukeriwa eka khadi ra xikhongelo. Kutani hi le ku fambeni...

⁸ Ndzi ya khongelela vanhu, hi ku va tlhandleka mavoko niku va khongelela. Sweswi loko ripfumelo ra n'wina ri nga kuli eVukoneni bya Hosi Yesu niku N'wi amukela tani hi muhanyisi wa n'wina, kutani mi pfumela leswaku loko hi mi tlhandleka mavoko, leswaku swi ta mi pfuna, kunene, hakunene-nene hi lahawani ku endla xin'wana ni xin'wana lexi mi xi navelaka.

⁹ Xivangelo xa kuva ndzi mahlwerisa, nkarhi wo leha, i ku vona un'wana ni un'wana loyi a nga swi kotaka, loyi a nga ma fikelelaka ni ku kuma Xikwembu etshakwini leri. Nakona a hi na votala. Ku ni... Muako a wu kulanga, naswona swingaleswi a hi na vanhu votala. Kutani hi nga ha teka mundzuku ni nhlikanhi niku khongelela lava hi nga na vona lahawani, hi tshikela nhlikanhi xikongomelo xexo, xa ku khongelela vavabyi.

¹⁰ Kutani hi kwalahawani ku ta endla xin'wana ni xin'wana lexi hi nga xi kotaka ku pfuneta ku endla vutomi leswaku byi mi antswela, niku vevukisa ndzhwalo, erendzweni leri hi nga ekuri fambeni.

¹¹ Kutani swingaleswi nkarhi wun'wana ni wun'wana, laha un'wana ni un'wana a titwelaka leswaku—leswaku u tsakela ku ta eka Hosi Yesu, swi nga ri na mhaka ni leswaku i xikhongelo xihis lexi hi nga eka xona, swingaleswi ma ta. Mi nga kali mi rindzela ku kondza ku vitaniwa lava tweke rito. Mi nga kali mi rindzela xirhambo. Mi ta hi nkarhi walowo, mi amukela Kreste, kutani mi ta hi nkarhi walowo mi ta tivula eka Yena. Hikuva xexo hi xona xikongomelo nkulu xa hina xa kuva lahawani, ku nga ku vona mimoya yi tswaleriwa emfun'weni wa Xikwembu.

¹² Kutani sweswi, mundzuku i Sonto, kutani ku tava ni xikolo xa Sonto, xa tikereke. Xivangelo xa kuva hi ri ni swikhongelo hi ndzhengha, hi Sonto, hi leswaku a hi lavi ku kavanyeta xikhongelo ni xin'we. Hi pfumela leswaku Mukreste un'wana ni un'wana u fanele a va ni—ni kereke ya le kaya laha a yaka kona. Mukreste un'wana ni un'wana u fanele ku hlangana ni vapfumeri kun'wana. Kutani kun'wana ni kun'wana laha mi hlanganaka kona, yaleyo i kereke.

¹³ Sweswi, loko a ndzi tshama lahawani, a ndzi tava ndzi nghena yin'wana ya tikereke leti nga kwalahawani, ni vafundhisi lava va nga lahawani, lava va nga na ntirhisano, va tiyimelaka. Hikokwalaho ka yini? Hikuva va kona lahawani va tshamile eka platifomo, leswaku va ta voniwa hi vanhu hinkwavo, leswaku va ta tiyisisa leswi humeletaka. Va pfumela eka vutirheli bya muxaka lowu, Matimba yo hanyisa, Nkhuvulo wa Moya lowo Kwetsima, ni kuya emahlweni. Va lahawani ku nyika vumbhoni bya swona. Hi van'wana lava va ndzi rhambek lahawani, leswaku kumbexani hi vutirheli lebyi bya Hosi lebyi yi nga ndzi nyika byona ndzi nga ha pfuna nhlengeletano ya vona.

¹⁴ Sweswi yaloye i mufundhisi wa ntiyiso, loyi a langutaka hinkwabyo mbuyelo bya ximoya lebyi a nga byi kotaka, bya leswi Xikwembu xi byi endlaka, leswaku u le ku ringeten hi tindlela hinkwato ku pfuna kereke ya yena leswaku yi ya eka Xikwembu. Hakunene-nene ndzi hluvula xihuku ku ri ku khensa mufundhisi wo fana na yaloye.

¹⁵ Kutani vanhu lava va ta endla sweswo hiku tikeriwa, na vona. Mi nga ha pfumela leswaku sweswo i ntiyiso. Va fanele ku swi endla ehansi ka ku tikeriwa. Kutani hakunene–nene ndzi–ndzi va khensa swinene vanhu vo tani hi valava va Xikwembu, lava va navelaka ku teka ndzhawu ya vona ni swivandla swa vona swa ntirho ehenhleni ka ku hundzuka ka vona, ni–ni ku pfumela. Xikwembu xa ha va katekisa!

¹⁶ Kutani ndzi niku tshembha ka leswaku va ta mi endlela leswinene. Sweswi, loko u ri muluveri lahwani, lava laha vamakwerhu vaxinuna lava va nga na tikereke kona, laha va nga kona. Va endzeli mundzuku. Va tava ni swikhongelo swo hlawuleka, nakona ku ni vafundhisi lahwani lava va nga tava vari karhi va vulavula ni tikereke to hambana–hambana, hilaha swi tivisiweke ha kona. Swingaleswi vanani na vona mundzuku.

¹⁷ Kutani swingaleswi mundzuku ni nhlikanhi, loko mi tsakela ku ta eka xikhongelo xo pfala, kunene–nene hi ta tsaka kuva na n'wina. Tikereke hinkwato, tikereke–vito hinkwato, i xa un'wana ni un'wana. Un'wana ni un'wana wa amukeriwa; Methodist, Baptist, Presbyterian, Pentekostal, church of Christ, church of God, Khatholiki, Orthodox Jew, ripfumelo ra ndhavuko, hambi mi ngava mi ri va mani. Ha mi... Ma rhambiya.

“Mi ri, ‘Ripfumelo ra ndhavuko?’” Ina, nkulukumba.

¹⁸ Loko wa ripfumelo ra ndhavuko a nga ta exikhongelweni a fika a tshama ehansi a tikhoma kahle, ntsena wa amukeleka kufana ni un'wana ni un'wana. Hi swona. Xin'wana, lexi hi n'wi lavelaka xona lahwani, hi leswaku ku ni xin'wana lexi nga endliwaka lexi xi nga ta n'wi pfuna ku vona xihoxo xa yena, kutani a ta eka Hosi. Hi kuva hi... Hakunene–nene.

¹⁹ Xana i vangani lava nga tshama va hlaya xivono lexi ntsongo lexi magazini wa Christian Business Men wu xi humeseke, kutani ndzi pfumela to hlaya nyana timaga–..., ta, *Ku Languta Ku Hundza Ka Kheteni Ra Nkarhi?* Sweswo i ntiyiso, munghana. A wu nge swikoti ku swi kayela sweswo. Swingaleswi ndzi–ndzi vile munhu loyi a hambaneke kusukela kwalaho. Ndza switiva leswaku swi ntiyiso, swingaleswi ndzi–ndzi–ndzi tshembha leswaku a kuna ni un'we wa n'wina loyi a nga kayelaka Tilo lerikulu leri Xikwembu xi nga na rona eka vapfumeri. Loko mi ri kayela, xana i ncini lexi mi nga xi hetisisa laha misaveni? Hikuva, a mi wu tivi nkarhi lowu mi nga ta rhurha ha wona emisaveni leyi. Kambe mi tiva xilo xin'we xa leswaku, mi ni ntiyiso wa leswaku mi ta yi siya misava. Swingaleswi loko wolowo wu ri ntiyiso, swingaleswi hi tava hi nga ri swiphunta ku ringeta ku–ku mi nghenisa ntsena ku kotisa.... A hi lulamelanga ku teka xiyimo xihi ni xihi xo chansa. Wa vona, ntsena tsundzukani, pfumela Rito ra Xikwembu ni switshembhiso swa Rona.

²⁰ Ntsena ehleketa ni, hi leswi swi va ngaka mavabyi, ku pandza ka mbilu hinkwako, mafu hinkwawo, ku xaniseka hinkwako, maxangu hinkwawo, n'wana nyana loyi a nga twisisiki, ni swilo hinkwaswo leswi, swilema, mabofu, ni xibedlele xin'wana na xin'wana lexi xi nga ta akiwa? Hikokwaloho ka munhu un'we ntsena loyi a nga pfumelangiki xiphemu xin'wana xa Rito. Yaloye a ri Evha. Ntsena Sathani u n'wi totele rona hi chukele. Ku nga ri ku tshaha, kambe ku n'wi totela rona hi chukele, a ku, "Hakunene... Hosi yi kahle ngopfu."

²¹ Mi twa swo tala namutlha tani hilaha xi nga, Xikwembu lexi xi nga Xikwembu xa kahle. Hi Xona Xikwembu xa kahle, kambe tsundzukani hi Xona Xikwembu xo kwetsima, Xikwembu lexi nga langutisiki xidyo. Xigwevo xi hakeleriwile, kutani mi fanele ku swi amukela laha misaveni ya Xona. Nakona tsundzukani, hi Xona Xikwembu lexi xihlundzukaka, Xikwembu xa vukarhi. Kutani mi ta yima emahlweni ka Xikwembu lexi nga hlundzuka, ku nga ri ntsena Xikwembu xa vunene ni tintswalo. Madyambu lawa hi Xona Muponisi wa n'wina; hi Siku rero Xi tava Muavanyisi wa n'wina.

²² Swingaleswi vana ni ntiiyiso wa leswaku a wu siyi swin'wana u nga swi endlanga, munghana. A swi—swi nga... A swi nga mi hakeli. Ntsena mi nga—mi nga tipfilunganyi mi ya eka swona. Vanani ni ntiiyiso, vanani ni ntiiyiso ha kambirhi, hikuva a mi nga ha kumi nkarhi wun'wana. Ntsena lowu hi wona nkarhi wa n'wina, loko ma hari lahawani emisaveni.

²³ Tsundzukani xifumi na Lazaro, a kuri ni ndzilo wukulu exikarhi ka n'wina na Xona, a ku nga ri ni munhu loyi a nga kala a wu tsemekanya, kumbe loyi a nga ta wu tsemekanya. Wa vona? Loko mi—loko mi fa, sweswo swa swi tshamisekisa. Ndza swi tiva leswaku vanhu va koxa leswaku va mi khongelela leswaku mi vuyela etindzhawini teto, kambe mi nga kali mi swi pfumela. Sweswo swi kanetana ni Rito ra Xikwembu. Wa vona? "Hi ndlela leyi mirhi yi voyamaka ha yona, hi yona ndlela leyi yi wisaka xiswona." Kutani Yesu u teri, hi Yexe, leswaku, "A kuri ni ndzilo, lowu, loko munhu a fa a ya a tiheleni, a nga ti (kala) a ta eTilweni. Kuhava munhu loyi a nga tshama a wu tsemekanya, ku hava na un'we a nga ta wu tsemekanya." Sweswo swa swi tshamisekisa, tani hilaha ndzi nga ha kona. Loko Yesu a vula sweswo a swiva tano, sweswo hi swona hinkwaswo ka swona.

²⁴ Swingaleswi tsundzukani, sweswi i nkarhi wa n'wina, ni leswaku swi nga ha endleka madyambu lawa wu ri nkateko wa n'wina wo hetelela.

²⁵ Xana mi kale mi swi twisia leswi nga ku humeleti xana? Loko ntsena mi nga switwisisa! Ndza tshembha a mi ehleketa ku vulavula hi ndlela yaleyo, leswaku ndzi le ku ringetenka

ku mi kucetela ku languta munhu un'wana, kumbe ku pfumela munhu un'wana. A ndzi le ku endleni ka sweswo, munghana. Ndzi le ku ringetenka ku mi endla mi pfumela Loyi hi nga eVukoneni bya yena sweswi. Yesu Kreste, Xikwembu lexi nga ta mi avanyisa hi Siku lero, xi kwalahawani eku tikombiseni hi Xoxe evukoneni bya n'wina, swo fana ni leswi Xi nga swi tshembhisa leswaku Xi ta swi endla hi masiku ya makumu.

²⁶ Ndzi ehleketa Makwerhu Price, emixweni lowu loko hi fihlula, u nyikile xifaniso xa kahle xa ku ta ekhoneni, kutani a fanele a jika eka khona. Ma ti phina hi sweswo xana? [Nhlengeletano yi ku, “Amen.”—Muhleri.] Hakunene hi swona. U swi veke, kahle kahle.

²⁷ Sweswi, swingaleswi tsundzukani, minkarhi yin'wana ekhoneni, kambe tsundzukani hi fanele ku jika eka tikhona leti. Ndzi chumayerile hi sweswo, nkarhi wun'wana, kutani ndzi swi vitanile, *Mahanti*. Hi vulavurile hi laha ndlela yi jikaka kona, kotala, swingaleswi hi fanele hi famba hi ndlela *leyi* eka tindlela leto hambana–hambana.

²⁸ Sweswi madyambu lawa, eka timinetse tintsongo leti landzelaka, ndzi lava ku teka nhloko-mhaka ya—ya: *Rito Ra Xikombiso*. Kutani sweswi mbonakiso wa hina wu pfuriwile, madyambu lawa, eka Buku ya Eksoda, nakona *eksoda* swivula “ku huma; ku humesiwa.” Sweswi ringetani ku yingisela hi vurhon’wana hilaha mi nga ta kota ha kona.

²⁹ Ndzi tsakela ku mi chumayeleta nkarhi wun'wana, mi vayingiseri lavanene, kambe ntsena a ndzi na rito leri tlakukeke. Ntsena ri file nyana hikokwalaho ka sweswo, nakona ndzi tiva leswi nga ta humelela. Ndzi fanele ku wisa nyana sweswi, ku ringana kwalomu ka nhungu kumbe khume ra masiku, ndzi nga si sungula xikhongelo lexi landzelaka. Wa vona, ntsena a hi nhlengeletano leyi ntsena yi nga lahwani. I nhlengeletano, siku na siku, vhiki na vhiki, nhweti na nhweti, lembe na lembe, wa vona, kutani mi nga ha swi vona.

³⁰ Kutani ehleketa hi swona minkarhi hinkwayo, lembe na lembe, ku hava ni nkarhi ni wun’we lowu Xi nga tshama xi vula swin’wana handle ka leswi swi nga hetiseka, ntiyiso wa makoya; hi tindzimi hinkwato, emisaveni hinkwayo, ku ringana ka nkombo. Wa vona? Ku hava na munhu, ku hava, loyi a nga vulaka handle ka leswi swi nga hetiseka, eka thonsi hakanene, nkarhi hinkwawo. Loko Xi ku xin’wana xi ta humelela, xa humelela ntsena hi ndlela leyi xi vuleke ha yona. Xi nga mi byela ka ha sele mavhiki ni tinhweti, ni malembe, hambi, swi nga si humelela, kutani minkarhi hinkwayo swi ta humelela hi ndlela yaleyo eka thonsi. A swi kalanga swi tsandzeka, nakona a swi nge tsandzeki, hikuva xexo i Xikwembu. Sweswi, ndzi nga ha tsandzeka, tani hi munhu. Mi nga kali mi languta mina tani hi xikombiso, hikuva

ntsena ndzi—ndzi fana na n'wina, ntsena ndzi mudyohi loyi a ponisiweke hi tintswalo. Kambe xexo i Xikwembu, xale handle ka ntumbuluko, wa vona, lexi xi ti tivisaka xona hi Xoxe. A Xi nga fanelanga ku endla sweswo, kambe Xi swi tshembhisile leswaku Xi ta swi endla.

³¹ Yesu u hanyisile hikuva a swi fanele swi hetisisa Rito. U endlile swilo leswi hi xikongomelo xo hetisisa Rito ra Xikwembu.

³² Hi leswi Xi swi endlaka na namunlhha, leswaku Rito ri va leri hetisekeke, leri ndzi mi tshaheleke rona, madyambu man'wana ni man'wana.

³³ Swingaleswi xiyisisani sweswi loko Vukona bya Yena byi ri ekusuhi, Rona, hakunene—nene Ri tisa nyanyuko. Tani hilaha ndzi vuleke mixo lowu, "Xin'wana ni xin'wana lexi pfumalaka nyanyuku xi file." Kutani vukhongeri byin'wana ni byin'wana lebyi pfumalaka nyanyuko eka byona, swa antswa mi byi lahla, byi file. Ri tisa nyanyuko. Xa hi pfuxa. Kambe loko hi tava hi pfuxiwile, a hi tsundzukeni Lexi nga hi pfuxa. I ncini xi swi endlake? I Vukona bya Moya lowo Kwetsima, Yesu Kreste exikarhini ka hina, a tikombisaka yena hi Yexe leswaku Wa hanya. Ku nga ri miri lowu twaka kuvava; loko nkarhi wolowo, miri wolowo wu twaka kuvava wu tlhelela eTilweni, nkarhi a wu nge hevi kona. Sweswo hi swona hinkwaswo ka swona. Kutani ha switiva leswaku hi nghenini, hi hanyaka emasikwini ya makumu, laha swilo leswi swi nga ta humeleta.

Sweswi, Xikwembu xi vile ni ti eksoda emasunguleni. Ku ni...

³⁴ Hinkwaswo swi famba hi swi nharhu, na Xikwembu. Xikwembu xi hetiseka eka swi nharhu. Ku vuya ro sungula ka Kreste, kuri ku ta *kutsula* Mutekiwa wa Yena; ku vuya ra vumbirhi ka Kreste, ku *amukela* Mutekiwa wa Yena; ku vuya ra vunharhu ka Kreste, *ni* Mutekiwa wa Yena, ku ta fuma eka Miliniyamu. Swin'wana na swin'wana swi famba swi ri swinharhu.

³⁵ Sweswi, a kuri ni, ku tava ni, ti eksoda tinharhu. Yin'wana ya tona, Xikwembu xi va nghenisile *endzeni* ka ngalava, leswaku kuva eksoda, ku famba ehenhla ka misava. Hi nkarhi lowu landzelaka, Xikwembu xi va humesile *va huma* e—Egipta. Kutani hi nkarhi lowu landzelaka, Xikwembu xi va tekele *ehenhla*. Endzeni, ehandle, ehenhla! Eksoda leyi landzelaka i ya kuya ehenhla. Hi langutele yin'wana sweswi, wu nga nkarhi wa ku ya ehenhla.

³⁶ Kufana ni vutomi byi endla swo fana na swona. Hi *nghena* evuton'wini, hi huma *ehandle* ka vutomi, hi pfukela *ehenhla* evuton'wini, ntsena hi ndlela yo fana. Swingaleswi hi...

³⁷ Mbono wa hina madyambu lawa wu pfula eka eksoda, kutani Xikwembu xi le ku lulamiseni ka ku teka rixaka ra Xona.

³⁸ Israel i rixaka. Xikwembu a xi tirhani na Israel ha un'we-un'we. Israel i rixaka, minkarhi hinkwayo a xi tirhana na vona. Kutani emasikwini ya makumu, endzhaku ka-ka loko kereke yi fambile, swingaleswi Xikwembu xi ta ponisa Israel tani hi rixaka. Ri le tiko-xikaya sweswi, ri tilulamiserile swona. Kutani va ta ponisiwa, Bibele yi teri, "Rixaka ri ta tswariwa esikwini." Xikwembu a xi tirhani na va-Yuda tani hi un'we-un'we. Xi tirhana na vona tani hi rixaka, Israel, minkarhi hinkwayo, hikuva i rixaka ra Xona.

³⁹ Kutani lahawani Xi le ku lulamiseni ka ku tisa rixaka ra Xona leri ri humaka erixakeni, endzeni ka eksoda, Xi humesa vanhu va xona eku avanyisiweni.

⁴⁰ Ni mati ya lawaya ya nga tswonga misava, ya ponisile Nowa. Wa vona? Ni Moya waluwa lowo Kwetsima, lowu vanhu va wu alaka namutlha, wu ta amukela Kereke niku Yi tlakulela ehenhla, niku avanyisa lava nga Wu pfumeriki. Ku vule Yesu.

⁴¹ Loko va tava va N'wi vurile, "Beelzebub," hi marito man'wana, "A ri xingomatanda." Va...

⁴² A ku, "Ndza mi rivalela eka sweswo," N'wana wa munhu. Xitlhavelo a xi nga se endliwa. "Kambe loko Moya lowo Kwetsima wu ta wu tela ku endla swilo leswi fanaka, rito rin'we leri lwisanaka na Wona a wu nga rivaleriwi emisaveni leyi hambi kuri ka misava leyi landzelaka." Wu ta fanele ku tsan'wiwa, kutani ku avanyisa ku ta endzhaku ka sweswo. Wa vona, khombo ri le ka hina...

⁴³ Swi ndzi ehleketa xitori lexi ndzi nga xi hlaya nkarchi wun'wana, xa mutluti wa mudyuhari loyi a huma elwandle, ni muphati lontsongo wa-wa Munghezi loyi a ya elwandle. Kutani muphati u tsarile swo tala hi lwandle, kambe a nga kalanga a ri vona, swingaleswi a ri ndleleni yo enhlela kona. Kutani munyu wa khale wu teri eka yena, ni xipimbi xa phayiphi enon'weni wa yena, a ku, "Xana u ya kwihi, wanuna wa mina wa kahle?"

⁴⁴ A ku, "Ndzi ehlela elwandle." A ku, "A ndzi se tshama ndzi ri vona. Ndzi tsarile hi rona, ni leswi van'wana va swivuleke, kambe," a ku, "oho, a ndzi rhurhumela loko ndzi titwa leswaku ndzi le kusuhi ni lwandle." A ku, "Oho, ku nunh'weta ku dzunga ka munyu! Ku ri vona ri ri lerikulu, ni swihuku swo basa leswi balekaka ehenhla ka rona, ni xibakabaka xa wasi lexi xi endlaka xivonivoni eka xona hi xoxe, niku twa swinyenyani tani hi loko swi haha ehenhla ka rona, oho, ndzi rhurhumerile loko ndzi anakanya kuri vona!"

⁴⁵ Munyu wa khale wu teri, "Ndzi tswaleriwile eka rona, malembe ya makume ntsevu lawa ya hundzeke, a ndzi voni leswinene ha rona." Wa vona, u vonile swo tala ha rona ku kondza riva leri ri tollovelekeke eka yena.

⁴⁶ Sweswo hi leswi swi humevelaka eka kereke ya Pentekostal namunthla. Yi vonile swo tala hi Xikwembu, ku fikela laha Xikwembu xi vaka lexi xi tolrevelekeke eka vona. Mi nga swi pfumeleri swi endleka!

⁴⁷ Lahawani ku ngari khale ngopfu, eLouisville, Kentucky. Laha ndzi humaka kona, Jeffersonville, Indiana, i ku tsemekanya nambu ku huma kona. Wansati a ri eku tifambeleni evhengeleni ra ka ten-cent. Kutani yena (a ri) a tlakurile xijahetani evokweni ra yena, kutani a ya eka tikhawutara ni kuya a nyanya hi nyanyuko lowu nga lawulekiki. A nga hava a rwhalerile xin'wana, a xi komba xijahetani; ntsena xi lo tshama xi sondzolota. A ya eka khawutara yin'wana, a fika a teka xin'wana a xi kombeta xijahetani; ntsena xi lo sondzolota. Kutani endzhaku nyana, u tekile xingelengele nyana a sungula ku xi rhasisa, kutani xijahetani ntsena xi lo sondzolota. Hiloko a sungula ku tlhava mukhosni, niku wachuta mavoko. Kutani vanhu lava a va ri evhengeleni ra ka ten-cent a va n'wi langutile, swingaleswi va yile eka yena kuya vona lexi hoxekeke.

⁴⁸ A ku, "Ndzi ni...Xijahetani xa mina," a ku, "xova ni malembe manharhu ntsena." Kutani a ku, "Ndzi... Xikan'we-kan'we, kwalomu ka lembe leri nga hundza, u tekile niku tshama ntsena a hlalela empfhukeni." Kutani a ku, "Ndzi-ndzi n'wi yisile eka dokodela," kutani a ku, "kutani dokodela u n'wi nyikile mirhi yin'wana ni swin'wana." Kutani a ku, "Hiloko dokodela a ku eka mina, namunthla, leswaku a anakanya leswaku wa antswa. Kambe," a ku, "a nga antswi." A ku, "Ndzi dzungudzile hinkwaswo emahlweni ka yena, leswi swi nga kokaka rinoko ra xijahetani xo tani hi lexi hi vuntsongo, rinoko ra xona. Hinkwaswo leswi swi nga kokaka rinoko ra xijahetani xa ntangha ya xona, ndzi xi dzungudza emahlweni ka yena, ntsena u lo tshama a ti langutisela empfhukeni." A ku, "A nga antswi."

⁴⁹ Sweswo hi swin'wana swi fanaka na kereke ya Pentekostal. Xikwembu xi dzungudzile tinyiko hinkwato, eBibeleni, emahlweni ka vona, kutani va ha tshamile va sondzolota ehenhla empfhukeni, tani hiloko kuri ni swin'wana swi nga hoxeka. I nkarhi lowu hi faneleke ku pfuka hi wona, vanghana, hi nga si hlwela. Tsundzukani, Xikwembu a xi dzungudzi tinyiko leti ehandle kaloko Xi ri ku ringetenka ku koka rinoko ra n'wina.

Xikwembu a xi ri ekutiseni ka rixaka leri ri humaka erixakeni.

⁵⁰ Ntsena tani hilaha Xi swi endlaka sweswi, kuya tisa Mutekiwa la humaka ekerekene, xi tshika masalelwya ya mbewu ya wansati. Vahlawuriwa va ta huma va susiwa ekerekene. Kereke ya ntumbuluko yi ta sala lahawani emahlomulweni. *Vahlawuriwa* valava nkarhi wun'wana va vitaniwaka "lava nga langhiwa, vahlawuriwa, masalelwya."

⁵¹ A hi languteni hilaha Xi nga swi endla hakona, hikuva a Xi ncici ndlela ya Xona ya maendlelo ya swilo. Xikwembu xi ni ndlela yin'we ya maendlelo ya swilo, kutani yaleyo hi yona ndlela leyi Xi swi endlisaka xiswona, kutani yaleyo hi yona ndlela leyi yi nga yona, minkarhi hinkwayo. Maswivona hilaha Xi nga swi endla ha kona, ni hi mukhuva lowu Xi nga swi endla xi ri ka wona, kutani swingaleswi hi ta kuma masungulo ya kona sweswi.

⁵² Ndzo va muthathaseli, hakunene–nene. A ndzi dyondzanga. Ndzi fanele ku languta endzhaku ndzi vona leswi Xi swi endleke. Nakona hi dyondzisiwile leswaku, "Testamente ya Khale i ndzhuti wa leswi swi nga tata." Kutani loko ndzi langutile lahawani kutani ndzi nga ri voni voko ra mina, kutani ndzi vona ndzhuti wa voko ra mina, ni ri ni tintiho ta ntlhanu, ndzi nga hava ni miehleketo ya kahle ya leswaku loko voko ra mina loko ri nga fika lahaya, ndzi ni tintiho ta ntlhanu. Swingaleswi ku humelele yini hi lava a vari swikombiso swa hilaha Xikwembu a xi endla swilo ha kona, hi ndlela leyi Xi swi endlaka ha yona sweswi.

⁵³ Ni hi ndlela leyi Xi swi endlaka ha yona, a Xi ncincanga eka yona. Minkarhi hinkwayo, eBibeleni, a Xi kalanga Xi ncinka ndlela ya xona ya maendlelo ya swilo. Xi ya emahlweni hi maendlelo yo fana, hikuva ndlela yo sungula ya Xona ya maendlelo hi lama hetisekeke. Hikuva, a Xi ngari na ndlela yin'wana, hikuva Xi hetisekile, kutani, Xona, ni tindlela hinkwato ta Xona ti hetisekile. Langutani hilaha Xi swi endleke ha kona.

⁵⁴ Muxe u vitaniwile niku xiximiwa ku ta teka ntirho lowu a ri eka wona, lowu a—lowu a wu tekile. Xikwembu . . .

⁵⁵ Sweswi, ndza ehleketa, loko kuri leswaku mi ta swi papalata . . . A ndzi vuli leswi hi matlotlo. Ntsena ndzi vula leswi, ndzi ri eka platifomo leyi, a ndzi—ndzi tivi nchumu nakona a ndzi lavi ku tiva nchumu xin'wana handle ka Xikwembu. Sweswi, ndzi ehleketa leswaku kwalahaya hilaha vamakwerhu va hina va Mpfula ya Xirimu va pfilunganyekkeke, wa vona, va tlhandlekana mavoko niku endlana va profeta ni kuya emahlweni. Sweswo, sweswo a hi swa Matsalwa. "Tinyiko niku vitaniwa a swi yi hi ku hundzuka." Mi tsvarisiwe leswi mi nga xiswona. Mi tano, ekusunguleni, leswi mi nga xiswona.

⁵⁶ Langutani na vona Vafarisi eminkarhini leyi nga hundza. Ntsena a va ri ni vutivi byintsongo, hikuva va nga ha . . . va ni nawu, ni hilaha va nga hanya hi nawu, kambe endzeni ka timbilu ta vona a va ntimile hilaha ti nga havaka ha kona.

⁵⁷ Kutani a kuri ni wansati lontsongo, wa ngwavava, ku vumbuluka ka yena . . . vutomi bya yena a byi ri lebya ntima lahawani tani hilaha a byi ri xiswona, a dume hi ku vabya, kambe endzeni ka mbilu ya yena a xiximeriwele eVuton'wini.

⁵⁸ Kutani swingaleswi loko Yesu, la nga Rito, ri tile eka mbono, Vafarisi lava va teri, “Wanuna loyi i Beelzebub.” Xana swi endlile yini xana? Swi ntimisile ku vonakala nyana loku a va ri na kona.

⁵⁹ Yesu u teri, “Mi va tata wa n’wina, javulosi, kutani mi endla mintirho ya yena.”

⁶⁰ Kambe wansati nyana loyi, wo nyama loko a ta, u vonile Rito ra Xikwembu, u Ri tivile. A nga kalanga a Ri hanya, kambe a Ri tiva. Kutani tani hiloko Ri vulavurile na yena, u teri, “Ndza switiva leswaku U Muprofeta.” Nakona Yena...A ku, “Ndza switiva leswaku Mesiya u ta endla leswi.”

Kutani A ku, “Ndzi Yena.”

⁶¹ Xana swi endlile yini xana? Swi basisile ntima luwa swi wu endla wo basa. Hikokwalaho ka yini? A kuri ni mbewu leyi vekiweke kwalahaya, mbewu leyi xiximiweke leyi a yi ri...A yi ri mianakanyo ya Xikwembu ku nga si va ni masungulo ya misava.

⁶² Ku ni xivumbeko xin’we ntsena xa Vutomi lebyi nga Heriki. Loko mi ri ni Vutomi lebyi nga Heriki, swingaleswi n’wina hi n’wexe a mi ri emiehleketweni ya Xikwembu misava yi nga si ntumbuluxiwa. A mi ri emianakanyweni ya miehleketo ya Xona, hikuva lexi nga Heriki a xi kalanga xi va ni masungulo kumbe makumu. Mi xiave xa rifumu ra Xikwembu, minkarhi hinkwayo. Ntsena swova xivonivoni. Swi le kuteni sweswi. Va ha ri ni xifaniso xin’wana xi nga ta hlantswiwa, rero i rifu, swingaleswi neketifi yi va phosetifi, swingaleswi mi le ka Mutekiwa na Kreste, ku kotisa hilaha Xi anakanyeke ha kona. Ku kotisa nuna na nsati, namuntlha, swingaleswi (Xikwembu) Kreste na Kereke va tava un’we. Sweswi, vahlawuriwa, va vitaniwile!

Muxe u tswariwile a ri, “n’wana la lulameke.” Bibele yi vula sweswo.

⁶³ Un’wana wa vaprofeta, Yeremiya. Xikwembu xi teri, “Loko u nga si vumbiwa ekhwirini ra mana wa wena, Ndzi ku xiximile tani hi muprofeta wa rixaka.”

⁶⁴ Yohana Mukhuvuri, hikokwalaho ka yini, a tivisiwile eMatsalweni. Esaya, eka nkombo wa madzana ni khume mbirhi wa malembe a nga sita, u teri, “Hi yena rito ra un’wana a huwelelaka a ri mananga, ‘Lunghiselani ndlela ya Hosi!’” Kutani hikwalomu ka mune wa madzana wa malembe A nga si humelelala, nakambe hi kuma, Malakiya a ku, “Vonani Ndzi ta mi rhumela murhumiwa wa Mina emahlweni ka Mina, ku lunghisa ndlela ya kuta ka Hosi.”

⁶⁵ Wa vona, a xiximiwile khale. Kutani switano ni hinkwato tihofisi ta Xikwembu, loko va vitaniwile hi Xikwembu.

⁶⁶ Loko va dyondzekile eka swona, va lo ti hungasela, wa vona, swingaka swi ngavi leswi ngariki nchumu. Loko kuri thikithi ra swakudya, kutani u xavisa tinfanelo ta wena to ntswariwa hi thikithi ra swakudya, u xavelela ku famba na nhlangano kumbe ntlawa wun'wana. Kambe loko swi ri swa Xikwembu, u ta yima hi Rito lero, swi nga ri na mhaka, hikuva mi tswaleriwile ku yima hi rona.

⁶⁷ Muxe, a kuri hava ni un'we loyi a nga tekaka ndzhawu ya yena. Ku hava loyi a nga tirhaka ntirho wa yena. A xiximeriwe ku wu endla.

⁶⁸ Kutani, vamakwerhu, vasesi, loko mi ri ni Vutomi lebyi nga Heriki, mi xiximeriwe ku endla xin'wana. Kumbexana wansati wa kahle wa muti, kumbexana xin'wana, kambe ku hava loyi a nga tekaka ndzhawu ya n'wina. Xikwembu xi mi endlerile ndzhawu ya n'wina. Mi nga ringeti ku tekela un'wana ndzhawu ya yena. Sweswo kova ku encenyeta ka xinyama, wa vona, leswi swi kombisaka leswaku ku ni swin'wana swi nga hoxeka ha n'wina. Vanani leswi mi nga xiswona, hilaha mi nga hakona. Mi ngavi swin'wana.

⁶⁹ Sweswi, sweswi hi vona hilaha Xikwembu xi nyikeke Muxe swikombiso leswikombisaka ku koxa niku vitaniwa.

⁷⁰ Kutani xikombiso xin'wana ni xin'wana xa ntiyiso, xikombiso xin'wana ni xin'wana xa ntiyiso, lexi humaka eka Xikwembu, xi...ni rito etlhelo ka xona. Sweswi mi nga tsandzeki. Leyi i dyondzo ya mina yo hetelela eka leswi, wa vona. Xikombiso xin'wana ni xin'wana xa ntiyiso...Sweswi hi ni swikombiso leswi nga humiki eka Xikwembu; Sathani u encenyeta hinkwaswo leswi nga kona. Kambe xikombiso xa ntiyiso, lexi humaka eka Xikwembu, xi ni rito ra Xikwembu etlhelo ka xona.

⁷¹ Xikwembu xi teri eka Muxe, "Loko va nga pfumeri rito ra xikombiso lexo rhanga, swingaleswi endla xikombiso lexin'wana emahlweni ka vona. Kutani loko va nga swi yingisi sweswo, u ta ka mati u ma halatela ehansi emisaveni." Kutani xexo i xikombiso lexi va nga ta ti tsakamisa hi ngati ya vona vinyi.

⁷² Xiyisisani, kutani ntsena kukotisa hilaha Xi vuleke ha kona loko xi te, "Phumundha ritshuri eminkondzweni ya wena. A ku tava ku pfumeleriwe Sodoma na Gomora, hi siku lero, ku tlula kuva swa doroba lero ri nga ku alela."

⁷³ Sweswi a hi tlangi Kereke. Leyi i Kereke. Kreste i Kereke. Hi le ka Kreste. Miri wa Kreste wa ntumbuluko wa le henhla, hi tswaleriwele eka Yona. A mi yi joyini.

⁷⁴ Ndzi vile ni ndyangu wa ka Branham ku ringana kwalomu ka makume ntlanu-ntlanu wa malembe, kutani a va kalanga va ndzi kombela ku joyina ndyangu. Ndzi tswariwile ndzi ri wa ka Branham.

⁷⁵ Kutani yaleyo hi yona ndlela leyi u nga Mukreste ha yona. U tswariwile u ri Mukreste, ku ngari ku byi joyina. Mi tswariwile eka byona. Un'wana ni un'wana wa chava ku tswala. Va ni ndlela yin'wani ya kahle ya ku teka xivokwani, kumbe ku sayina xikhadani, kumbe ku hakasela nyana munyu ematini. Sweswo a hi ku tswala. Ku tswala i xilo xo chavisa ni ku nyenyetsa. Ku tswala i—i xilo lexi chavisaka swinene. A ndzi na mhaka ni leswaku swile hokweni ya nguluve, kumbe e—kumbe elwangwini ra xitlati, kumbe ekamareni leri ri khavisiweke hi pinki ra le xibedlhele; ku tswala i thyaka, nakona ku humesa thyaka leri ri nga eka wena. A wu fanelanga ku tshika, a wu fanelanga ku lava *leswi*, *sweswo*, kumbe *swin'wana*, kambe mihloti yi ta hlantswa pende yi suka exikandzeni xa n'wina yi mi endla munhu loyi a hambaneke. Loko mi tswariwile ra vumbirhi, swi ta humesa thyaka leri ri nga eka n'wina rihuma, kambe mi tava swi vumbiwa leswi ntshwa. Wa vona? A va swilavi sweswo. Va lava tindlela tin'wana leto olova, ma switiva, nakona a ku na tindlela to olova. Tani hi risimu, a nge teri, "Ndzi ta teka ndlela ni Hosi ni vantsongo lava sandziwaka." A nga swilavi kuva ximilana lexi xi tshwelaka a bedeni.

Xikombiso xin'wana ni xin'wana xa ntiyiso xa Xikwembu xi landzeleriwa hi rito ra Xikwembu.

⁷⁶ Sweswi loko munhu a nga nyika xikombiso etikweni, kumbe nkarhi wun'wana, kutani rito rero a vulavulaka ha rona ri nga ri Rito ra Xikwembu, swingaleswi ri langutisiseni, mi nga xi pfumeli. Loko xikolo xa khale, loko munhu a tlakula a ku, a kombisa xikombiso lexi humaka eka Xikwembu, kutani swingaleswi ku dyondzisa ka munhu yaloye kufana ni ntivo-vukhongeri bya khale lebyi mi nga byi twa hi malembe walawo, Xikwembu a xi kalanga xi rhumela xikombiso xexo. Langutani eMatsalweni mi vona loko a xi ri kona. Lavisisani Matsalwa. Wanuna a vuya, kutani a ku, "Hi lava ku joyina *leswi* hinkwerhu sweswi. Tona i timhaka leti ti nga tumbuluxiwa khale." Mi nga pfumeli eka sweswo. Hi ya eka sweswo, ntsena ku nga ri khale, wa vona. Ee, mi nga pfumeri eka sweswo.

⁷⁷ Xikwembu minkarhi hinkwayo xi tivonakarisa eswikombisweni swa Xona. Xikombiso xa Xikwembu minkarhi hinkwayo xi vulavula hi rito ra Xikwembu.

⁷⁸ Kutani loko ka hari xikolo xexiya mi nga xi twa, xana hikokwalaho ka yini Xi mi nyika xikombiso, Lexi mi nga eka xona khale? U ringeta ku mi yisa ekhoneni yaleyo. Xikoweto xo yima! Mi hunguta rivilo! Langutani laha mi yaka kona! Mi ta ti cukumeta hi n'wexe ekhoneni loko mi nga langutisi. Ku na ko jika swinene, kutani minkarhi hinkwayo ku ni xikoweto loko mi nga si hundza ku jika loku, ku mi sirhelela

leswaku mi nga mbundzumuki. Va endla lavanene va patu va vekela tisayini. Kutani hile ku fambeni epatwini ro ya eku Kwetsimeni. Kutani loko sayini yi vulavula hi swilo swa khale, a yi humi eka Xikwembu.

⁷⁹ Xikwembu xi nyika swikombiso ku koka rinoko ra vanhu va Xona. Swikombiso i swo koka rinoko ra vanhu va Xikwembu, hi leswi swikombiso swa Xikwembu swi nga xiswona. Swikombiso swa Xikwembu swi nyikiwile ku koka rinoko ra vanhu va Xikwembu.

⁸⁰ Lahawani sweswi ku pfurha ka xihlahla a xi ri xikombiso lexi a xi koka muprefeta, ku ri ku ringeta, hikuva muprefeta a balekile emahlweni ka Xikwembu, kutani Xikwembu xi n'wi nyikile xikombiso xa ku pfurha ka xihlahla. Kutani loko a vonile xikombiso lexi xo chavisa; a ku, "Ndzi ta hundzulukela kona ku ya bona leswi xikombiso lexi xo chavisa xi vulaka swona, hilaha xi—xi xihlahla xi pfurhaka ha kona kambe a xi vonhli." Sweswi Xikwembu a xi ri ku ringetenka ku koka rinoko ra muprefeta wa Xona loyi a balekeke. Xi nga hava ni un'wana, kambe a xi hlawurile Muxe entirhweni kutani a ku ni un'wana kambe loyi a nga tekaka ndzhawu ya yena.

⁸¹ Erendzweni, vanakulorhi van'wana va ringetile ku swi endla, maswitiva. Dathani u yimile niku lava ku endla vandla eka swona. Xikwembu xi byerile Muxe, "Ti ave wena. Ntsena ndzi tava mita." Wa bona?

⁸² Xikwembu xi tirha ha munhu ha munhu. Wa bona? Sweswi xiyisisani leswi, a Xi ri ku ringetenka ku koka rinoko ra muprefeta, ku endla leswaku muprefeta a va endzhawini ya yena, wa bona, kutani Xi n'wi nyikile xikombiso xa ku pfurha ka xihlahla.

⁸³ Kutani, langutani, rito leri landzeleke xikombiso a ri ri rito ra Xitsalwa. "Ndzi twile ku rila ka vanhu va Mina, ni ku konya ka bona, hikokwalaho ka mintirho ya bona vinyi, kambe Ndzi tsundzuke xitshembhiso xa Mina." Amen. Sweswo swa swi tshamisekisa. "Ndzi tsundzuka xitshembhiso." Rero a ri ri rito ra Xitsalwa. "Kutani Ndzi ku rhumela kona. Ndzi xikile ku ta va kutsula, kutani Ndza ku rhuma."

⁸⁴ Tsundzukani, Xikwembu a xi si tshama xi endla nchumu ehandle ka munhu. Ma swi tiva sweswo xana? Sweswo hi swona leswi swi khugulaka vanhu. Wa bona?

⁸⁵ Sweswo hi swona swi va khunguvanyisaka ha Yesu. Va teri, "U Munhu, loyi a ti endlaka Xikwembu." A ri Xikwembu, kambe a va swi twisisanga. "Kunene, Wena, ntsena u Munhu."

⁸⁶ Xi ku, "Kunene, mi vitana vaprefeta leswaku i, 'swikwembu,' ni nawu wa n'wina wa swi lemuka. Kutani loko mi va vitana 'swikwembu,' lava Rito ra Xikwembu ri takwa eka bona, xana mi ndzi sola njhani Mina loko Ndzi ku Ndzi N'wana wa Xikwembu xana?"

⁸⁷ Wa vona, swikombiso, swi koka rinoko. Kutani, tsundzukani, loko rinoko ri kokiwile, swi fana ni ntila wa khale, a hi swa Xikwembu.

⁸⁸ Kambe Xikwembu xi le ku ringetenku koka muprefeta sweswi, kutani Xi n'wi nyika xikombiso, ni rito leri landzeleke xikombiso a ri ri rito ra Xitsalwa. "Ndzi va vonile vanhu. Ndzi twile ku rila ka vona. Ndzi tsundzuka xitshembhiso xa Mina."

⁸⁹ Sweswi Xikwembu xi ya vulavula hi Rito ra Xona leri xi ri tshembhiseke. Xi ta rhumela muprefeta wa Xona, hikuva Rito ri ta hi muprefeta. Bibele yi teri, Xikwembu xi vurile, leswaku, hi Xoxe, "Xona a xi nga endli nchumu ku kondza Xi swi hlavutela eka malandza va nga vaprefeta va Xona ku sungula." Wa vona? Kutani xikombiso xi nyikiwile. Tsalwa ri tivisiwile, ri nga Rito ra xikombiso.

⁹⁰ Xana ma ri vona Rito ra xikombiso, ra Muxa xana? Xo sungula, xikombiso a xi ri xa ku pfurha ka xihlahla; Rito a ri Tsala.

⁹¹ Muxa u swi tekile tani hi xikombiso xa Xona, kutani a ya eEgipta niku endla xikombiso lexi Xikwembu xi nga n'wi byela; kutani xikombiso a xi ri ni rito eka xona, kutani vanhu va pfumerile niku ta. Kutani ntsena loko va machile, va endlile kahle; kambe loko vasungula ku dumadumela rito, swingaleswi va yimile.

⁹² Tsundzukani, Israel ri tekile rendzo. Xana ma ku tiva hinkwako laha va nga fika kona xana? A va fambile... Va fambile makume mune wa timayili ntsena, ni hikwalomo ka mukume mune wa malembe. Xana hikokwalaho ka yini? Hikuva va sungurile ku dumadumela rito leri humesaka xikombiso. Langutani hilaha swi ntsongo a va swi tiva, loko va huwelerile kwalaho va ri etibuweni, niku ncina va ri eMoyeni, na Muxa a yimbelela a ri eMoyeni, ntsena a va saleriwile hi masiku mantsongo. Kambe va sungurile ku dumaduma, niku lava ku endla swin'wana swo hambana; kutani va tshamile makume mune wa malembe emananga, niku lovela kona, sweswo hi swona, hikuva a va nga pfumeri. Xikwembu xi teri, "A va vulavuli ku lwisana na wena, Muxa. Va vulavula ku lwisana na Mina." Rero a ri ri rito ra Xikwembu, ku nga ri Muxa.

⁹³ Sweswi langutani, Yehovha u ya vulavula hi Rito ra Yena leri a ri tshembhiseke, swingaleswi U fanele ku rhumela vaprefeta va Yena. Sweswo, loko mi lava ku swi vona, swi le ka Genesa 15:16. Hi kuma Xikwembu laha xi byelete Abraham leswaku, "Mbewu ya wena yi ta tshama laha tikweni rimbe, kutani Ndzi ta va humesa hi voko ra matimba. Ku dyoha ka va-Amoni a ku si hetiseka." Eka switshembhiso hinkwaswo swa Xona leswi Xi nga swi nyika, hi lexi lahwani Xi kokaka rinoko ra muprefeta, hi xihlahla lexi pfurhaka.

⁹⁴ Sweswi loko xihlahla lexi xi pfurhaka loko xi teri, “Muxe, Xikwembu i Xikwembu.”

“Ina, ndza swi pfumela sweswo.”

⁹⁵ “Oho, u le ku endleni kahle, Muxe, ntsena yisa emahlweni. U tekile wansati wa kahle; i n’wana wo saseka. U kumile n’wana wo saseka! A ku dzunisiwe Xikwembu!” Swi fana ni xikolo xa khale. Wa vona?

⁹⁶ Kambe a Xi tilulamiserile ku endla swin’wana, swingaleswi Xi fanele ku koka rinoko ra munhu. Kutani Xi nyikile munhu swikombiso swimbirhi leswaku a swi endla, kutani xi ku, “Xikombiso xin’wana ni xin’wana xi ni rito.” Sweswo swi tiyisisa leswaku hi swona. Sweswi langutisani leswi marito ya swona ya vulavurisaka xiswona, hambi wu ri ntumbuluko. Yehovha a tilulamiserile ku vulavula sweswi.

⁹⁷ Nakambe, ku ta ka muprefeta i xikombiso. Xana a mi swi tiva sweswo xana? Ku ta ka muprefeta, enguveni, i xikombiso.

⁹⁸ Sweswi, a ndzi vuli Dokodela wa swa Vukwembu. A ndzi vuli mufundhisi un’wana wo tshembheka, munhu un’wana wa kahle. Vona va kahle. Vona i malandza ya Xikwembu.

⁹⁹ Kambe muprefeta i xikombiso. Bibele yi vula tano lahawani. Kutani xana i xikombiso xa yini? I xikombiso xa leswaku Rito ra Xona ri lulamiseriwa ku hetiseka, ku hetisisiwa hi rito ra xikombiso xa muprefeta loyi.

¹⁰⁰ Xiyisisani, leswaku ku ta ka muprefeta i xilemukiso xa xikoweto xa leswaku ku avanyisa ku fikile. Xana a mi swi tiva sweswo xana? Ku avanyisa ku lava ku humeleta loko kuri ni muprefeta etikweni.

¹⁰¹ Tsundzukani leswaku, yena hakunene-nene, ekusunguleni, u vonakarisiwile hi Xikwembu ni Rito ra nkarhi wa lowo, kutani u endlile xikombiso. Kutani swingaleswi vonani xikombiso xexo, a nga xi vhumbha. U teri, “Loko swi ta humeleta, kutani n’wi yingiseni.” Tinhlayo 12:6. “Loko swi nga humeeli, swi rivaleni.” Swi fanele swi va xikombiso xa Xitsalwa lexi Xi xi nyikaka.

¹⁰² Kutani leswi Xi nga kala xi nyika xikombiso, nkarhi wun’wana, loko Xi ri xa tolo, namuntlha, ni hilaha ku nga heriki, Xi ta swi nyika swi ri leswi fanaka. “Rito ra Hosi ri ta hi vaprefeta.” Hi vona Rito. Kutani loko Yesu a ta, A ri Rito. Kutani Rito ri avanyisa mianakanyo niku kambela timbilu, hi minkarhi hinkwayo, ri ya emahlweni ni le mahlwени. Langutisani sweswi.

¹⁰³ Ku ta ka muprefeta loyi, ku tisa xikombiso, xa leswaku, “ku avanyisa ku kusuhi,” minkarhi hinkwayo.

¹⁰⁴ Ntsena a hi yimeni ntsena. A ndzi nga hlweli. Ntsena a hi languteni vatekani sweswi, hikwalomu ka khume ra timinetse. Ni hungu hinkwaro, kumbexani, ku ringana khume ra timinetse.

¹⁰⁵ Nowa, muprofeta etikweni—etikweni, a ri xikombiso xa kuta ka ku avanyisa. Muxe, muprofeta etikweni, a ri xikombiso xa kuta ka ku avanyisa. Eliya, muprofeta etikweni, a ri xikombiso xa kuta ka ku avanyisa. Yohana, muprofeta etikweni, a ri xikombiso xa kuta ka ku avanyisa eIsrael; va tsemiwile hakunene.

¹⁰⁶ Xiyisisani, xikombiso! Xana xikombiso xi endla yini xana? Xikombiso xi koka rinoko, niku lulamisela vahlawuriwa, ni lava humeke endleleni ku avanyisa ku nga si fika. Hi leswi endleke hi Nowa, ku lulamisela vahlawuriwa. Lavotala va vona, kutani xana xi va endlile yini? Xikombiso, ni rito ra xikombiso, swi avanyisa la nga pfumeriki niku n'wi lulamisela ku avanyisiwa. Xi lulamisela vahlawuriwa ku baleka. Sweswo hi leswi xikombiso xi nga xiswona. Sweswo hi leswi swikombiso swi nyikeriwaka swona, i swa ku avanyisa loku ku taka. Vahlawuriwa, va swi vona.

¹⁰⁷ Ku kotisa wansati lontsongo wa mbilu leyo tenga, kutani a ri ni miri lowu nyamisiweke; ni Mufarisi loyi a nga ni miri wo tengu, ni mbilu leyi nyamisiweke. Xi avanyisile un'we, niku ponisa loyi un'wana.

¹⁰⁸ Ku avanyisa kwaloko ku nga ponisa Muxe, ku avanyisile misava; hi ku chumayela ka yena.

¹⁰⁹ Xi lulamisela vahlawuriwa. Xana vahlawuriwa va lulamiseriwela yini xana? Loko va vona xikombiso lexi humaka eka Xikwembu, va ta languta eMatsalweni ni ku vona loko swi fanerile kuva kwalaho. “Ina, ku kona lahawani.” Xana i yini sweswo xana? Ku avanyisa loku nga endleleni. Swingaleswi vahlawuriwa va yingisa rito.

¹¹⁰ Kambe lava nga hlawuriwangiki va honisa, kutani va swi yula, “Thyaka. Hi taya emahlweni! Hi ta famba hi xikolo xa khale.” Wa vona? Sweswo hi leswi va swi endleke eminkarhini ya Luther. Sweswo hi leswi va swi endleke eminkarhini ya Wesley. Sweswo hi leswi va swi—va swi endlaka sweswi, hi ndlela leyi va swi endleke hi yona.

¹¹¹ Kambe i xikombiso, kutani xi ni rito leri landzelaka xikombiso. Kutani rito ri tivisiwile tani hi rito ra Matsalwa. Mi nga swi rivali sweswo sweswi. Sweswi swi hlaiseni kuya emahlweni, hikuva swi nga ha endleka ndzi nga ha mi voni nakambe.

¹¹² Ndzi navela onge ndzi nga va ni ndlela leyi ndzi nga yaka kun'wana lahawani niku vona varhandziwa va mina hinkwavo, loko va nga hari na mpfuxelelo, va veka tende kutani va titshamela ntsena, siku na siku, niku ri dyondzisa ku kondza—ku kondza ri nwelela. Kambe Xi ngaka xi nga swi pfumeleri sweswo, a ndzi pfumeli. Wa vona, hi le kusuhin swinene ni makumu. Ndzi pfumela leswaku hi le makun'wini sweswi.

¹¹³ Ebukwini ya mina lahaya, laha ndzi tsaleke kona. Hi 1933, mixo wun'wana, ndzi ri karhi ndzi tilulamisela kuya exikolweni xa Sonto, xi nga xikolo xa Sonto xa Baptist laha a ndzi ri mufundhisi kona, Moya lowo Kwetsima wu tile wu ta ndzi komba nkarhi wa makumu, wu ndzi komba swilo swa nkombo leswi nga ta humelela. Ndzi swi tsarile ehansi. Swi le ka phepha ra xitshopani ra khale.

¹¹⁴ Xi ndzi byerile hilaha Jaramani yi nga ta aka ha kona Siegfried Line, ni hilaha Amerika ri nga ta yi lwela, hi malembe ya khume n'we layini—layini yi nga si kala yi akiwa.

¹¹⁵ Xi ndzi byela hilaha Mussolini a nga ta pfuka ha kona, ni hilaha a nga ta yisa xiswona eEthiopia, ni hilaha Ethiopia ri nga “ta wela ha kona eminkondzweni ya yena.” Kutani u ta fa hi ku khomisa tingana, yi n'wi hundzukela, ni vanhu va yena va ta n'wi phela hi marha.

¹¹⁶ Hiloko ndzi ku, “Ku ni ti izimi tinhарhu; Xikhomonisi, Xifasizimu, ni Xinazimu. Hinkwavo va ta helela eRussia, eka Xikhomonisi.” Kutani xi ta herisa xi Khatholizimi. Mi swi vona loko swi ngavi tano!

¹¹⁷ Ndzi ku, “Ku ya emahlweni kwaloko ku ta humelela!” Ndzi ku, “Ndzi vona timovha ti languteka ku fana na tandza, ti ri karhi ti famba exitarateni. Ku ri ni timovha leti fambaka emapatwini ya tihayiweyi, ti ri ni xin'wana lexi xi tilawulaka, a va nga ha kali va tifambisa. Ndzi vonile ndyangu wun'wana wa Amerika wu ri karhi wu tlanga cheka endzhaku ka movha.” Va na wona movha sweswi, loko ntsena va ri ni patu ra vona ra hayiweyi laha va nga yi vekaka kona. Volkswagen leyintsongo yi tandza leri hetisekeke, hakunene swa fana, swile nale ka timovha letin'wana hinkwato. Mi nga ha swianakanya, hi 1933, leswi timovha a ti langutekisa xiswona, ku fikela sweswi?

¹¹⁸ Kutani swingaleswi Swi vhumbiwile nakambe, leswaku, ku ta pfumeleriwa vavasati ku vhotha, ni hilaha va nga ta swi endla ha kona. Ni hilaha tiko leri, ri nga xifananiso, tani hi Israel, loko ri nghena etikweni niku hlongola vaaki, ni kuva va ri vadya—ndzhaka va tiko. Nakona tihosi to sungula leti a vari na tona, Davida na Solomon, a ti ri tihosi leti a ti chava Xikwembu. Endzhaku nyana, va vile na Akab eka mbono. Va n'wi vhotherile leswaku a nghena. Xitulu xi ta kumiwa... kereke yi kumeka emisaveni. Kutani, hi vile na Lincoln na Washington, langutani hilaha yi nga xiswona namuntlha. Langutani laha hi yaka kona sweswi. Xana xile kwihi lexi landzelaka? Hi le nkarhini wa makumu.

¹¹⁹ Kutani i xikombiso, hi ntumbuluko, ntsena ku fanana. Xi lulamisela vahlawuriwa; niku sola, kuya eku avanyisiweni, ka lava nga pfumeriki.

¹²⁰ “Loko muprefeta loyi a ri muprefeta wa ntiyiso, ni leswi a swi vulaka swi humelela,” Bibele yi teri, eka Tinhlayo

12:6, “yingisani xitshinyo xa yena, hikuva xi tiyisisiwile ku ngari hi munhu.” Mu—mu muprefeta i munhu. Kambe rito ra xikombiso lexi nga ehandle ka ntumbuluko i rito ra Matsalwa, xi tiyisisiwile, swingaleswi i xitshinyo.

¹²¹ Bibebe yi tsariwile hi vaprefeta, mi tsundzuka. Eka Petro wa Vumbirhi, na yona, 1:21. Na Vaheveru 1:1, na yona.

¹²² Langavi ra Ndzilo, eka Muxe, a ku ri xikombiso, xa leswaku rito ri ya eku vulavuleni. Langavi ra Ndzilo a ri kombisa leswaku rito a ri ya eku vulavuleni. Xexo i xikombiso, xa Langavi ra Ndzilo. N’wina vanhu mi fanele ku swi tsundzuka sweswo eHouston, a hi swa khale ngopfu.

¹²³ Muxe, wa muprefeta, xikombiso xa Israel, leswaku xitshembhiso a xi ri ekusuhi ni ku hetisisiwa. Loko Muxe a tile niku endla xikombiso xa muprefeta, va swi tivile leswaku u ta va hlanganisa kun’we.

¹²⁴ Vonani hilaha Rito ra Xikwembu ri nga hetisekisa xiswona ni ku tshamiseka, hi minkarhi hinkwayo ku fana. Hambi hilaha ndzi vuleke madyambu ya tolo, hilaha Kiriat Yearim, ni hinkwaswo, minkarhi hinkwayo a swi hlamlula Xikwembu.

¹²⁵ A hi tekeni muprefeta nakambe, ntsena xinkadyana, Yonas. Ndzi na ndzimana ya vul ya Yonas lahwani, yi nga ndzimana ya vul ya vuprefeta bya yena. Ku vuya ka Yonas ekhwirini ra nkava-vangaheti, a xi ri xikombiso. Wa vona, vanhu a va ri vahedeni. A va gandzela swikwembu swale lwandle, nakona xikwembu xa vona xale lwandle a kuri nkava-vangaheti.

¹²⁶ Sweswi vanhu votala va ringeta ku sola Yonas. Minkarhi yo tala ndzi vulavula hi Yonas. Yonas a nga sukanga eka ku navela ka Hosi. “Minkondzo ya lavo lulama yi lerisiwa hi Hosi.” Hi lava ku vula leswaku, “A ri Yonas.” Kambe ntsena a hi swi tekeni swi ri...leswi nga fanela, xikan’we. Ndza switiva leswaku a fanele kuya eNinivha, kambe Xikwembu xi n’wi endle leswaku a teka xikepe xexo xo ya eTarxixi. Kutani Xi vile mhangu leyi nga ta elwandle.

¹²⁷ Yonas u teri, “Ndzi boheni mavoko ni milenge. Hi mina ndzi nga eka khombo leri, un’wana loyi a swi vangeke.” Kutani va n’wi cukumetile elwandle. Kutani hlampfi a yi ri eku hlambeleni ematini, hlampfi leyikulu leyi miteke Yonas. Ndza switiva leswaku swa nonohwa eka vatisayense ku swi pfumela.

¹²⁸ Lahawani ku ngari khale ngopfu, eLouisville, Kentucky, kwalomu ka khume ra malembe lawa ya nga hundza, a va ri ni-ni nkava-vangaheti leyi a yi pavalarile ehenhla ka-ka movha. Kutani a kuri ni Ricky lontsongo kwalahaya, a tlharihile swinene a nga ha swikoti ni ku byi lawula. A ri eku ringetenka ku humesela ehandle leswaku Bibebe yi vulavula mavunwa. A ku, “Maswitiva, mi yingisela xivuriso xexo xa khale xa Bibebe, xa leswaku nkava-vangaheti yi mitile Yonas.”

A ku, "Langutani, mi ngaka mi nga swikoti hambi kuri ku nghenisa bolo yinene enkolweni wa yona, a wu ri wuntsongo. Xana wanuna loyi a nga kula a hetiseka a nga nghenisa kuyini ekhwirini ra nkava-vangaheti xana?" A ku, "Maswivona, kova ntsena xivuriso xa khale, tani hi Bibebe yi nga tala hi swona."

¹²⁹ Sweswo a swi tele ngopfu emiehleketweni ya—ya mina. Ndzi ku, "Nkulukumba, ndzi tsakela ku vula swin'wana kwalaho."

A ku, "Xana u na yini lexi u nga xivulaka xana?"

¹³⁰ Ndzi ku, "Wa swivona, a wu yi hlaysia kahle Bibebe." Ndzi ku, "Bibebe yi teri leyi a yi ri nkava-vangaheti yo hlawuleka. 'Xikwembu xi lulamisile hlampfi leyikulu.' Leyi a yiri ya xipexali hi ku akiwa, ku endlela ku n'wi mita, leswi swi nga endla leswaku yi swi endla! A yi nga ri hlampfi ya ntolovel. Xikwembu a xi ya eku endleni ka ntirho lowu nga ntolovelekangiki, swingaleswi Xi vile ni hlampfi leyi nga tollovelekangiki." Wa vona? Swingaleswi a xi kalanga xi vula swo tala ha yona. Swingaleswi, yona, Xikwembu xi vile ni nchumu wa xipexali.

¹³¹ Tani hi xinhwenyetana, nkarhi wun'wana, lexi a xi huma etabernakeleni; misisi ya yena leyintsongo a yi kameriwile endzhaku, ni kuva yi rhetela, ku ringana ku kondza xikandza xa yena xi languteka kufana ni nyala leyi vandliweke. Ntsena a ri ni Bibebe, a ri eku fambeni.

¹³² Mukhalabya loyi a vuriwaka Jim Dorsey loyi a tshama eUtica. A nga tshembhekanga, socha ra khale, kutani—kutani a nga pfumeli eka Xikwembu. Kutani u teri, "Xana u ya kwiji, manana lontsongo?"

A ku, "Ndzi ya ekaya, nkulukumba."

A ku, "Xana i yini lexi u xi manyeke hi voko ra wena xana?"

A ku, "I Bibebe."

A ku, "A wu pfumeri eka yona, a hi swona xana?" Kutani a . . .

A ku, "Ina, ndza yi pfumela, nkulukumba."

¹³³ Kutani ndzi ku, "Xana wa pfumela eka xitorhi xa ku mitiwa ka Yonas hi nkava-vangaheti xana?"

A ku, "Hikokwalaho ka yini, hakunene, ndzi pfumela Rito rin'wana ni rin'wana ra yona."

¹³⁴ A ku, "Xana hi yihi ndlela leyi u nga ti khorwisaka ha yona ku tlula ripfumelo, leswi u swi vitanaka ripfumelo?"

"Hikokwalaho ka yini," a ku, "loko ndzi fika eTilweni, ndzi ta vutisa Yonas." Wa vona?

A ku, "U nga ku yini loko o ka a nga ri kona kwalahaya xana?"

¹³⁵ A ku, “Swingaleswi u ta vutisa yena.” Swingaleswi a ndzi ehleketa leswaku sweswo a kuri ku swi humesela ehandle kahle hi ku kongoma. Swingaleswi ndzi ehleketa leswaku sweswo a swi ri kahle.

¹³⁶ Loko Bibele yi vule leswaku Yonas u mitiwile hi nkava-vangaheti, ndzi nga swi pfumela. Xi nga ha yi lulamisa. Leswi Xikwembu xi nga swi vula, Xikwembu xa swi kota ku swi endla, nakona Xi hlaiyisa Rito ra Xona minkarhi hinkwayo. Swingaleswi, Yonas, ha n’wi hleka . . .

¹³⁷ Mikale mi yi xiyisisa hlampfi loko yi hlambela xana? Yi va yi ri ku tihloteleni ka swakudya. Kutani loko yi dya, yi ya ehansi emakorhweni kutani yi ya wisisa leswi yi hlambelaka ha swona. Phamela hlampfi ya wena ya nsuku kutani u languta leswi nga ta humelela. Loko swikhwidiana swa tona swi xurhile, swingaleswi tiya ehansi kutani ti ya tiseketela nale hansi hi leswi ti hlambelaka ha swona, kutani yi pavalaala kwalahaya yi swi teka swi olova.

¹³⁸ Kunene, nhlapfi leyikulu leyi lulamisiweke yi tile yi ta mita muprefeta loyi. Hiloko a ya ehansi etshakwini ra lwandle, kumbexana a ku entile makume mune hi mpimo wa fathomo kwalahaya. U yile ehansi, ku ya tiwisela etshakwini ra lwandle.

¹³⁹ Sweswi hi ehleketa hi Yonas minkarhi hinkwayo. Kutani un’wana ni un’wana u ri, “Ndzi khongeleriwile, kambe voko ra mina a ri antswi. Ndzi khongeleriwile, kambe a ndzi antswi.” Mi nga ha kali mi huwelela Yonas.

¹⁴⁰ Sweswi langutani swikombeto leswi a ri na swona. Sweswi, ndhawu yo sungula, a humile exidzedzeni xa lwandle, nakona a humile eka xivangelo lexi Xikwembu a xi n’wi rhumele xona. Mavoko ya yena ni milenge a swi bohiwile. U cukumetiwile exidzedzeni, xa lwandle leri kariheke, kutani nkava-vangaheti yi n’wi mita a ya tshama ehansi etshakwini ra lwandle. Kutani a pavalarile kwalahaya endzeni emanhlanteni, ekhwirini ra hlampfi, ni nhova ya lwandle leyi a yi rhendzele nhamu ya yena. Kutani loko a languta etlhelo *leri*, a kuri khwiri ra hlampfi. A languta etlhelo *leriya*, a kuri khwiri ra hlampfi. Hinkwako laha a languta kona, a kuri khwiri ra hlampfi. Loko u vulavula hi mhaka ya swikombeto, a nga hava a ri na swona. Kambe ma switiva leswi a nga swi vula xana? U teri, “Va tshamile hi manyunyu. A ndzi nga ha va languti, kambe ndzi ta tlhela ndzi languta eka tempele ya Wena leyo kwetsima.”

¹⁴¹ Hikwalaho, Solomon, munhu wa ntumbuluko wa laha misaveni, loyi a khongeleke hi ku katekisa tempele, u teri, “Hosi, loko vanhu va Wena va nga kumeka ekhombyeni kun’wana, kutani va languta endzhawini leyi yo kwetsima, kutani va yingisele u ri eTilweni.”

¹⁴² Kutani Yonas a ri ni ripfumelo eka leswi Solomon a swi khongeleleke. Kutani Xikwembu xi n'wi ntshunxile eka nkava-vangaheti, endzhaku ka masiku manharhu ni vusiku bya kona. Swi nga ha endleka Xi nghenisile tende ra moyo wo hefemula kwalahaya. A ndzi tivi leswi Xi swi endleke, kambe Xi n'wi hlayisile masiku manharhu ni vusiku bya kona, kuya hi Rito. Nakona Rito ri lulamile.

¹⁴³ Kunene, loko Yonas, a hari ehansi ka swiyimo sweswo, loko a nga ha languta nakambe eka tabernakele yaleyo yi nga endliwa hi munhu, mina na n'wina ke hi swihi leswi nga hi fanela, madyambu lawa, ku languta eka Tempele leyi Yesu a nga yima eka voko ra xinene ra Vuhosi, ni Ngati leyi nga ya Yena N'winyi, a ri karhi a hi khongelela eka kutivula ka hina, eka swikombeto swa hina leswi ntsongo! Mi nga n'wi soli Yonas, kutani langutani eka leswi nga hoxeka hi n'wina. Langutani eka xitshembhiso, "Xikwembu xi vule tano!" Loko mi ri vana va Abraham, "Xikwembu xi vule tano!" Xi endlile xitshembhiso, kutani sweswo swa swi tshamisekisa.

¹⁴⁴ Xiyisisani, vanhu hinkwavo a va humile vari eku njoveleni, niku koka tinkoka ta vona ni swin'wana. Endzhaku nyana, hiloko ku humeleta xikwembu xa lwandle, nkava-vangaheti, yi tsutsumela eribuweni. Hinkwavo va khizamile hi matsolo ya vona. Xikwembu xa swi kota ku endla swilo. Kutani yi yile eribuweni yi fika yi lakatsa ririm ra yona, kutani, loko yi tava yi swi endlile, kwalaho ku huma muprefeta enon'weni wa nkava-vangaheti a ri karhi a famba. Muprefeta! Xikwembunyana lexi xi tswuterile muprefeta ehandle eribuweni. A swi hlamarisi loko va hundzukile. Wa vona?

¹⁴⁵ Xexo a xi ri xikombiso. Xa ku ntshunxiwa ka Yonas hi nkava-vangaheti, a xi ri xikombiso. Xana u endlile yini? Xexo a xi ri xikombiso lexi xi humaka eka Xikwembu. Xana rito ri vule yini xana? "Hundzukani kumbe mi lovisiwa, hi masiku ya makume mune." Xikombiso xa Xikwembu; rito ra Xikwembu! Minkarhi hinkwayo, loko Xikwembu xi rhumela xikombiso, Xikwembu xi rhumela ni rito ra Xona eka xikombiso xexo. Xiyisisani, "Hundzukani, kumbe ku nga si fika makume mune wa masiku doroba leri hinkwaro ri ta lovisiwa."

¹⁴⁶ Muprefeta Yohana u tile emisaveni, endzhaku ka malembe ya mune wa madzana ku nga se va ni muprefeta; xikombiso endzhaku ka malembe ya mune wa madzana, ya kuta ka yena. Xinkadyana xexo lexi nga hlayisekiki!

¹⁴⁷ Loko mi ri va ximoya mi ta swi twisia leswi ndzi swi vulaka sweswi. I ngaku Xikwembu xi nga pfula ku twisia ka n'wina. Hi rini swi humelerile!

¹⁴⁸ Mune wa madzana wa malembe, Israel yi ri hava muprefeta, tikereke ti kumeka ti hombolokisiwa, kutani lahawani ku ta Yohana eka mbono. Yohana a ri muprefeta, a ri

xikombiso xa leswaku Mesiya a ya eku vulavuleni endzhaku ka yena. Langutani. Hikuva, Malakiya 3 yi teri, “Ndzi ta rhumela Murhumumiwa wa Mina emahlweni ka Mina, ku ta lulamisa ndlela, ku lulamisa vanhu.”

¹⁴⁹ Langutani Yohana, a nga ri n’ami. A nga kalanga a teka ku dzuneka. Va ringetile ku n’wi vitana leswaku hi yena Mesiya; kambe u teri, “A ndzi lulamelanga hi ku ntshunxa tintanghu ta Yena.”

¹⁵⁰ Kambe tani hiloko Yesu a humelela, A ri ni xikombiso, xa Langavi ra Ndzilo, Rivoni ehenhla ka Yena, ku kotisa tuva loko ri ta kutani rito ri ku, “Loyi i N’wananga, Loyi Ndzi n’wi rhandzaka.”

¹⁵¹ Xiyisisani, kutani Yohana xikan’we–kan’we u teri, “U fanele ku tlakuka. Mina ndzi ya ehansi.” U yisile Kereke eka Kreste. Amen.

¹⁵² Hi byeriwile leswaku, emasikwini ya makumu, leswaku swi ta vuyelela nakambe! Ku tava ni Hungu leri nga tata, leri nga ta tivisa Mesiya evanhwini. Kutani swi tava hi ndlela yaleyo, va ta tifisa tindleve ku kotisa leswi va swi endleke hi nkarhi wolowo. Xi swi tshembhisile. Ndzymana leyi landzelaka ya Matewu, ya Malakiya, yi hi byela ha swona. Langutisani.

¹⁵³ Va swi yutisile. Ntumbuluko wa Yohana wu n’wi tivile emoyeni wa Eliya. Sweswi xiyisisani vaprofeta lavambirhi.

¹⁵⁴ Sweswi, Eliya a ri wanuna loyi a pfukeke hi nkarhi lowu Israel, a ri ri eka swirilo.

¹⁵⁵ Akab a ri hosi. Kutani vavasati hinkwavo a va hlekula Yezebel, nakona kumbexana a nga hava a vile ni xitayele xa makerhelo ya misisi enhlokweni ni hinkwaswo, kumbexana ku fana ni leswi hi nga na swona namuntlha. Kutani hinkwavo va landzelerile Yezebel. Kutani vafundhisi va ehlekstile, “Leswaku sweswo a swi ri kahle. A hi va tshikeni va ri vox. A hi va tshikeni va swi endla.”

¹⁵⁶ Kutani hi nkarhi wolowo, Xikwembu xi pfuxile wanuna emananga, hi vito ra Eliya. A hi switivi hambi kuri ku tiva lomu a humaka kona. A nga dyondzelanga laha a hi ta n’wi tiva hi swa xikolo lexi a tava a dyondze eka xona. Kambe u pfuxiwile, niku sola maendlelo yalawa hinkwawo. U sorile tshamiseko hinkwawo.

¹⁵⁷ Loko a nga ta eka mbono, namuntlha, a nga ha sola matshamisekelo ya hina na sweswi.

¹⁵⁸ U sorile Yezebel un’wana ni un’wana. Kutani yena, eku heteleleni, hi yena a nga tshovelela muprofeta. U tsutsumile, tani hi Yohana; a ya pavalala ehansi ka nsinya wa juniper loko Yezebel a lava ku n’wi dlaya. A n’wi venga.

¹⁵⁹ Kutani hi kuma leswaku loko Yohana a tile, a huma emananga nakambe, murhandzi wa mananga, a ri ni hungu

leri kongomeke eka vavasati va ximanguva lawa lava hanyaka hi ku thala ni ku tekiwa, niku tlhela va tekiwa nakambe, u swi tsemelerile swi va swiphemu-phemu. A nga humi exikolweni xin'wana. A huma eka Xikwembu, wanuna loyi a rhumiweke hi Xikwembu. Kutani u sorile vavasati va ximanguva lawa, a lwisana na vona hi ku tika, kutani a nga kalanga a va pfulela na phachisi. Kambe u swi vekile erivaleni a ku, "Nkarhi wu fikile, Mesiya u ya eku vulavuleni." Langutani eka sweswo.

¹⁶⁰ Sweswi pimanisani nkarhi wa kuta ka Eliya ro sungula ni van'wana va vaprofeta va ximanguva lawa va namuntlha, va pfumelela va Yezabel va vona va kerha misisi ya vona, niku ambala swo koma, va zaha na mafole, ni hinkwaswo leswi va swi lavaka ku swi endla, va va ceceletisa. Swa antswa u nga vuli nchumu, hikuva u ta n'wi tshika, a ya kuma un'wana. Va va rhangela hi mikhuva leyi nga endla hi munhu; sweswo i tingana, milawu ya vanhu. Kutani, hi ku endla sweswo, va endla milawu ya Xikwembu yi va leyi nga riki nchumu, hikuva va nga ha joyina kereke va tlhela va ha tivula Vakreste, ni kuva va ha khomelerile tinfanelo ta vona va tlhela va ha tivula leswaku hi vona Vakreste, ni ku ya emahlweni. Sweswo hi leswi va swi lavaka. Sweswo hi leswi va swi endleke ekusunguleni.

¹⁶¹ Kambe, tsundzukani, swile ka nkarhi wo fana ni walowyua, tani hi laha Xikwembu xi tshembhiseke eka Malakiya 4, leswaku Xi ta hetisia Rito nakambe. Sweswo hi swona. Langutani laha hi nga kona namutlha, ntsena tani hilaha a swi ri ha kona enkarhini wa Yohana, ntsena tani hilaha a swi ri hakona eka minkarhi yin'wana.

¹⁶² Langutani Amos loyi lontsongo wa muduhari la nga pfuxiwa, nakulorhi lontsongo wa muduhari. A hi kutivi laha a humaka kona. A ri murisi. Xikwembu a xi ri eku n'wi humesenemadyelweni ya tinyimpfu nile madyelweni ya tihomu, kutani, kutani xi n'wi letela. Kutani loko a nghena eSamariya, kutani loko a fika niku pfuxiwa enhlonhlorini yaleyo siku lero, u langutile ehansi lahaya. Kutani dyambu ri vangama enhlokweni ya yena ya mpandlh, ni malebvu ya yena ya timpfi, kutani mahlo ya yena ya vuyelelana ni ku hatima. Mahlo ya yena ya vukwembu ya tshunyeta, ku nga ri hikwalaho ka mi mbono leyi vampfhumba a va yi vona loko va ta eka yona, hikuva doroba hinkwaro a ri tinyiketele evudyohweni.

¹⁶³ Xana a ri mani lontsongo loyi, loyi a nga tivekiki xana? Ina, a ri Amos, wa muprofeta. U profetile hi nkarhi wa Yereboam wa Vumbirhi, hosi ya mugwinihi, loyi a pfumelela vanhu ku endla xin'wana ni xin'wana. Vaprista hinkwavo a vari eka byona. Va akile tikereke to saseka ngopfu. A va ri ni swiambalo swa kahle ngopfu. Vavasati va vona a va ri

va vugangu. A va ambarisa leswi a va swi lavisa xiswona. Vampfhumba a va nhlengeletana hinkwako, ku vona vanhwana lavo saseka ni kuya ka vona emahlweni.

¹⁶⁴ Ntsena ximanguva lawa xin'wana xa U.S.A., a va fanele kuva vanhu va Xikwembu. Ku hava munhu loyi a vulaka nchumu ha swona. A swi languteka kuri ku pikana evanhwini. Ntl- . . .

¹⁶⁵ Sweswi i malembe ya khume nhungu, namunthla! Rebekah wa mina u na khume nhungu wa malembe hi vukhale, namunthla. Khume nhungu wa malembe, ndzi famba fambile ni tiko leri hinkwaro, ndzi ri karhi ni sola swilo leswi. Kutani loko ndzi vuya, lembe ni lembe, ka ha ri ni vavasati votala lava va bobeke misisi ya vona kwalalahaya ni nga sungula kona ro sungula.

¹⁶⁶ Wa kahle, muchumayeri wo duma wa Pentekostal u ndzi nghanisile ekamareni, kwalomu ka lembe leri nga hundza, wa kahle, wa ndhuma, wanuna loyi a tivekaka misava hinkwayo. U teri ndzi . . . “Makwerhu Branham, u nge ndzi ku tlhandleka mavoko niku khongelela.”

Ndzi ku, “A ndzi vabyi.”

¹⁶⁷ A ku, “Kambe ku ni swin'wana leswi nga hoxeka.” A ku, “Makwerhu Branham, u ta hindzimuxa ministri wa wena. A ku na munhu loyi a nga ta tirhisana na wena. A swi hlamarisi loko vachumayeri va nga tirhisani na wena; hikokwalaho ka kuva u sola vavasati va vona ha kona.”

A ku, “Vanhу va vona va ku vitana muprefeta.”

Ndzi ku, “A ndzi kalanga ndzi vula leswaku ndzi yena.”

¹⁶⁸ A ku, “Kambe va ehleketa leswaku u yena.” A ku, “Ndzi pfumela sweswo na mina.” A ku, “U vitaneriwele ku khongelela vavabyi.” A ku, “Khongelela vavabyi, u tshika vavasati va ri voxе. U va vavisa vutitwi bya vona.”

Ndzi ku, “Njhani?”

¹⁶⁹ A ku, “Ku vulavula hi lava va nga boba misisi na swin'wana.”

Ndzi ku, “Sweswo swi hoxekile.”

¹⁷⁰ Bibele yi teri, “Wansati loyi—loyi a kerhaka misisi ya yena, nuna wa yena u na nfanelo yo n'wi hlongola a n'wi tshika.” Hakunene hi swona. “U khomisa nhloko ya yena tingana.” Sweswo hi leswi Bibele yi nga swi vula. Sweswi a ndzi switivi loko u swi tsakela sweswo kumbe u nga switsakeli, kambe sweswo hi leswi swi nga vula hi Bibele, eka va-Korinto vo Sungula.

¹⁷¹ [Xivati lexi ngariki na nchumu eka thepi—Muhleri.] . . . kuti manya kufikela laha nhlonge yi vaka ehandle. Kutani hiloko va—va fika, va ku, “Hikokwalaho ka yini, Nkulukumba Branham, walowo i muxaka wun'we wa swiambalo va wu xavisaka.”

¹⁷² Va hari ni nhundzu ni michini yo rhunga. A ku na xibajelo. Vavasati va Amish na Dunkard va ha ambala swona. Hakunene. [Nhlengeletano yi phokotela mavoko—Muhleri.]

Kutani ku humeleta yini? Va huma vaya ehandle lahaya ni kuya emahlweni.

¹⁷³ Wansati a ku, “Kunene, Nkulukumba Branham, a ndzi ambali swo koma. Ndzi ambala swo—...” Hi swihi kambe, phedal phu—...[Buti a ku, “Pedal phuxasi.”—Muhleri.] Ina. A ku, “Ndzi ambala swona.”

¹⁷⁴ Ndzi ku, “Sweswo swo nyanya.” Ndzi ku, “Bibebe yi ri, ‘I manyala loko wansati a ambala nguvu leyi yi yelenaka ni ya wanuna.’” Xana i ku languteka ka njhani ka thyaka loko u languta United States leri sweswi! Wa vona? Sweswo swi kahle.

¹⁷⁵ U nge ndzi ku byela swin’wana, sesi. U nga hava u tengile tani hi xiluva, eka nuna wa wena kumbe eka jaha ra wena, kambe hi Siku ro Avanyisa u ta tihlamulela kuva u endlile vuoswi. Yesu u teri, “Loyi a langutaka wansati, hi ku n’wi navela, u endlile vuoswi na yena.” Loko mudyohi ya loye a ku languta, kutani u ta fanela ku tihlamulela hi Siku ra ku Avanyisa. U lo ti yisa hi wexe eka yena. Ti ringanisi wena n’winyi. A haa.

¹⁷⁶ Hikokwalaho ka yini wansati loyi a khongelaka a lava ku ambarisa xisweswo xana? Kutani u koxa leswaku u na Moya lowo Kwetsima hikuva u vulavurile hi tindzimi ni ku tlulela ehenhla nale hansi? Leswaku, hambiswiritano, ndzi vonile vahedeni va swi endla sweswo, Mahotentotsi. Moya lowo Kwetsima wu tengile, wa kwetsima, a wu nyamanga. Hakunene—nene.

¹⁷⁷ Wanuna loyi u teri, “Loko u ri... Va ku pfumela leswaku u muprefeta. Hikokwalaho ka yini u nga va dyondzisi leswaku tinyiko ta moya ti kumiwa njhani, ni hilaha leswi swi endliwaka ha kona loko swi endleriwela Xikwembu xana? Hikokwalaho ka yini u nga va dyondzisi sweswo loko u ri muprefeta xana?”

¹⁷⁸ Ndzi ku, “Xana ndzi nga va dyondzisa njhani alijebra loko va nga kalanga va dyondza hambi kuri ku dyondza va ABC xana?” Wa switiva leswaku ABC swivula yini xana? Minkarhi hinkwayo pfumelani eka Kreste. A haa. Xana u ta swi endlisa ku yini sweswo xana? Wa vona, u lava ku kuma ndlela ehenhla *lahaya*, ematshan’wini yo sungula ehansi *lahawani*.

¹⁷⁹ Xikwembu xi ta aka Kereke ya Xona ehenhla ka masungulo ya Yesu Kreste, kutani ya leyo i Bibebe. Ehandleni ka sweswo, misava hinkwayo kova sava leri ri mbombomelaka. Xikwembu a xi ncinci. Ntumbuluko wa xona a wu ncinci.

¹⁸⁰ Xi endlile vavasati va hambana na vavanuna, na vavanuna va hambanile na vavasati. Xi va ambexile ku hambana, nakona xi va lava va tshama hi ndlela ya leyo.

Wa vona? Vavasati va lava ku languteka tani hi vavanuna, kutani vavanuna va lava ku languteka tani hi vavasati. Oho, mina! Ntsena ku encenyeta kwaloko! Swi...Kutani swilo hinkwaswo, swi languteka tani hiloko swi khomelerile evanhwini, nakona a wu nge swi ncinci. Swi languteka tani hi xiло lexikulu xo chavisa, xinghungumanı lexikulu; loko u twisia leswi ndzi vulavulaka hi swona, emoyeni. Xiло lexi chavisaka xi va khomile, kutani a ve—ve nge swikoti ku xi balekela; ku tele ngopfu Hollywood, ku tala ngopfu ti thelevhixini, ku tala ngopfu thyaka rin'wana. Hinkwaswo leswi hi nga na swona swi thyakisiwile. A swi hlamarisi, "Loko tirho wu nga tsemiwanga wu koma, hikokwalaho ka Vahlawuriwa, a ku tava kuri hava nyama leyi nga ponisiwa."

¹⁸¹ U teri, "A ndzi kalanga ndzi switiva ekusunguleni sweswo." Kunene, sweswi wa switiva, ku suka sweswi ku ya emahlweni. Wa vona? Sweswo swi...Swa antswa ndzi yima hi sweswo. A hi tlheleleni endzhaku. Xiyisisani.

¹⁸² Yohana a ri xikombiso. Kutani tsundzukani, hi ndlela leyi Xikwembu xi nga endla ha yona hi nkarhi wo sungula, hi yona ndlela leyi Xi nga ta swi endlisa xiswona nakambe. Xi tshembhisile ku swi endla. Sweswi, Xikwembu a xi kali xi tirhisa ntlawa wa vanhu, hi nkarhi wun'wana na wun'wana, eka swo tani hi sweswo.

¹⁸³ Tsundzukani, a kuri na ntlawa wun'wana nkarhi wun'wana, hilaha, wanuna lonkulu hi vito ra Akab, u n'wi kumele...u n'wi kumele va Israel va mune wa madzana va vaprofeta. Sweswi, kutani vona a va ngari vaprofeta va vahedeni. Mune wa madzana wa vaprofeta va va Israel. Hinkwavo ka vona a vari na tidigri ni hinkwaswo, a vari na xikolo lexikulu.

¹⁸⁴ A vari na wanuna la khongelaka hi vito ra Yehoshafat, loyi a ri hosi ya ma-Yuda, kutani u tile. Kutani kwalahaya hilaha mupfumeri a ku mekaka a hlanganana ni loyi a nga pfumeriki. Swilo swiya swi hoxeka.

¹⁸⁵ Hiloko a ku, "Ramoth-Gilead." Sweswi langutani leswi, swi ngava ntiyiso wa njhani. A ku, "Ramoth-Gilead i wa hina, ehenhla lahaya. Ehenhla eka xiphemu xa tiko ehenhla lahaya, xexo i xa hina." Yoxuwa, loko a ava tiko, a ri nyika eka Israel. Kutani va-Filista, va hedeni, va ta va ta va tekela rona. A ku, "Lero i ra hina."

¹⁸⁶ Sweswi langutani leswaku njhani, mongo wa mhaka, vanhu va nga hava vari kahle kambe va Ri twa hi ndleve xihupi. Nchumu hakunene i wa Israel. Kambe hinkwaswo i swa switshembhiso swa Xikwembu, makwerhu, swile ka swipimelo, wa vona, "Loko va famba emahlweni ka Hosi."

¹⁸⁷ Sweswi langutani lahawani. U teri, "Xana u nga famba na mina xana, ni ku ni pfuna ku teka tiko lero ri vuyela endzhaku

xana? Kunene, sweswo i, vana va vona va Vafilista va tata makhwiri ya vona kwalahaya, hi koroni leyi yi nga ya Israel.” Sweswo swi kahle hi Matsalwa. A ku, “Ndzi pfuni kuya va kuma.”

¹⁸⁸ A ku, “Kunene, mina . . .” Kwalahaya u endlile xihoxo hi gugu. “Tigolonyi ta mina i ta n’wina, vanhu va mina va tani hi vanhu va wena. Ndzi ta famba na wena.”

¹⁸⁹ Hiloko Yehoshafat a sungula ku ehleketa, maswitiva. “A ku, xana a hi fanelanga ku vutisa Hosi ha leswi hi nga si ya emahlweni xana?”

¹⁹⁰ “Oho, hakunene,” Akab u teri, “hakunene–nene. Ahaa. Ndzi khomeleni. A ndzi–ndzi fanele ndzi swi ehleketele sweswo.”

“Xana a nga kona muprefeta kun’wana kwalahayani?”

¹⁹¹ “Oho, hakunene. Ndzi na–ndzi na se—se seminari ya vona ehansi lahawani, yo antswa leyi mi nga se tshamaka mi yi vona. Hinkwavo va ambala swiambalo swa kahle. Hi lava va nga vale henhla swidyondzeki leswi swi pholichiweke. Ndzi va dyondzisile, kuya fika eka doto. Hi taya hi ya vakuma.”

¹⁹² Swingaleswi va rhelele ehansi lahaya. Kutani hinkwavo ka vona va kumeke vari kun’we. A va nga ri vatikukumuxi. Vakhongerile niku khongela niku khongela, ku kondza va vona xivono.

¹⁹³ Kutani hiloko va ta. Kutani un’wana wa kona u n’wi endlerele timhondzo timbirhi letikulu leti endliveke hi tinsimbhi. A ku, “Hi ku endla leswi u ta tlakusa va–Filista, kumbe va—va va–Aseriya, va pima tiko.” A ku, “HI LESWI HOSI YI SWI VULAKA. Fambani, Hosi yi na n’wina.” Un’wana na un’wana wa vona, kutani, hi moyo wuri wun’we, va wele emoyeni. Vaprofeta va va Israel va teri, “Fambani, Hosi yi na n’wina.” Mi ri, sweswo i swa Matsalwa xana? “Xikwembu xi nyikile vanhu ndzhaka leyi, kutani nala u yi tekile. Mi na nfanelo yo ya yi teka.”

Sweswi, Pentekosta, ndzi mi lava mi kuma dyondzo lahawani.

¹⁹⁴ Kambe, Yehoshafat, tani hi munhu loyi a khongelaka, u teri, “Kuni swin’wana swintsongo swi nga hoxeka sweswi.” A ku, “Xana a mi na un’wana xana?”

¹⁹⁵ “Un’wana nakambe, endzhaku ka mune wa madzana wa vaprefeta lava va nga leteriwa kahle va nga yima lahawani?” Tani hi vunyingi bya lava va nga yima lahawani ehansi. “Va yimeke hi moyo wuri wun’we, va ku, ‘HI LESWI HOSI YI SWI VULAKA.’ Swi hundzuluxeni, mi ku, ‘Yoxuwa u hi nyike tiko. I ra hina. Fambani mi ya ri teka!’”

¹⁹⁶ Kambe Yehoshafat u kombele leswaku va va na un’wana. A ku, “Xana a nga kona un’wana kwalahaya loyi hi nga ti hlanganisaka na Hosi ha yena xana?”

¹⁹⁷ U teri, Oho, ka harhi na un'wana, kambe,” a ku, “Ndza n'wi venga.” A haa, a haa. A ku, “Hi yena Mikiya, n'wana wa Imlah.” A ku, “ndza n'wi venga. Minkarhi yo tala u tshamela ro vula swo biha ha mina.”

A ku, “U nga yi pfumeleli hosi yi vula sweswo. Fambani mi ya n'wi teka.”

¹⁹⁸ Swingaleswi va rhumerile vakamberi van'wana kwalahaya. Kutani van'wana va vona va teri, “Sweswi, Mikiya, ndzi lava ku ku byela swin'wana. Sweswi, va ku tsema wa switiva, -ku kutsema eka xinakulobye, ku ngari khale ngopfu, hikokwalaho ka kuva u tshamela ro vula swilo swo biha evanhwini. Sweswi loko u lava ku tlhela u kuma khadi ra wena ra xinakulobye, u vula swo fana ni leswi va swi vulaka, nakona, oho, va ta ku teka va ku veka emakheheleni ya vona.”

¹⁹⁹ Kambe u kumeke a ri hi ndlela yaleyo a ri muprefeta wa ntiyiso. U teri, “Tani hi Hosi Xikwembu xi hanyaka, ndzi ta vula ntsena leswi Xikwembu xi nga ta swi veka enon'weni wa mina.” Oho! Xikwembu a xi katekise wanuna loyi. A ku, “Yimani ku kondza vusiku bya namutlha, kutani ndzi vona leswaku Hosi yi ndzi byela yini.”

²⁰⁰ Hi mixo lowu landzelaka, a ku, “Fambani mi ya ehenhla, kambe ndzi vona Israel ri hangalakile tani hi tinyimpfu leti ti pfumalaka murisi.” Kutani u tekile xivono xa yena a xi pimanisa ni leswi nga vula hi Eliya, leswi nga humeleta Akab. Xana Xi nga katekisa njhani leswi nga rhukaniwa xana? Swi nga ri na mhaka ni leswaku swi tele ku fika kwihi . . .

²⁰¹ Hi tiko leri ri khongelaka. Kereke ya Pentekostal, Baptist, na Methodist, ni kuya emahlweni, i tikereke ta Vakreste, kambe u nga swi katekisa njhani leswi swi nga rhukaniwa hi Xikwembu xana? A ndzi na mhaka, mi ri, “Ndzi—ndzi joyine leyi. Ndzi endle leswi.” Sweswo a swi pfuni nchumu. Langutani leswi mi nga swi endla. Langutani eka Pentekosta, hilaha va nga yi tshika yiwa ha kona minghontlo ya vona. Langutani hilaha mi nga tolvela ha kona, kutani mi languta hilaha mi nga xiswona sweswi. A swi hlamarisi, mahlo ya, mahlo a ma ha voni.

²⁰² Kutani yena, Akab, yena . . . Muprista loyi u n'wi phakate nomu. A ku, “N'wi ngheniseni,” kutani Akab a ku, “n'wi tlheleriseni endzhaku lahaya eka khotso ra le ndzeni. Loko ndzi ta vuya ni rhrule, ndzi ta tirhana na yena nakulorhi loyi.”

²⁰³ A ku, “Loko u ta tlhela u vuya eka hinkwaswo, Xikwembu a xi vulavulanga na mina.” A haa? Wa vona? Ku ni muprefeta, ku ni xikombiso; akuri ni rito ra Yena. Kutani, ku tsandzeka ku ri hlayisa, a swi tisa ku avanyisiwa.

²⁰⁴ Moya lowo Kwetsima i muprefeta wa hina namuntlha. Ku hluleka ku yingisa Rito ra Xona? U ti tivisa eMatsalweni, leswaku A nga ha vula swilo leswi. Yesu Kreste, hi xivumbeko xa Moya lowo Kwetsima!

²⁰⁵ Xikwembu xi tirhanile ni wanuna loyi a ri un'we. Lexi, Xikwembu a xi tirhani ni mintlawa; swile ka munhu a ri un'we. Eliya a nga ri ntlawa. Yohana a nga ri ntlawa. A va nga ri ntlawa kumbe dinominexini, hambi wuri wun'we wa yena. Kambe havumbirhi bya vona va swisola sweswo. Sweswo hi swona. Yohana u teri, "Mi nga ehleketi leswaku hi na Abraham tani hi tata wa hina. Xikwembu xa swikota hi maribye lawa ku pfuxa vana va ya eka Abraham."

²⁰⁶ Ni xikombiso xa nkarhi wa makumu xi tava na Rito ra nkarhi wa makumu. Nakona xikombiso xa makumu xi taya hilaha Bibele yi nga swi bvumbhisa xiswona. Ni Rito ra nkarhi wa makumu, leri ri landzelelaka xikombiso xa nkarhi wa makumu, hakunene xi ta tiviwa eka Matsalwa, ma tava ma ri Matsalwa lawa ya nga tsembhisiwa.

²⁰⁷ Kutani hi hlayile eka Luka 17 laha xikombiso xa nkarhi wa makumu xi nga tava ha kona, xi tava hilaha a xi ri eSodoma, xitshembhiso. Nakona hi na yena Sodoma eka ntumbuluko, hikokwalaho ka yini hi nga pfumeli xikombiso hi ximoya lahwani? Loko mi nga languta Matsalwa, nakambe, Luka 17 i xikombiso, na Malakiya 4 i Rito. Xikombiso xi tani hi Xikwembu loko xi tikombisa enyameni, xi ri karhi xi tiva swihundla swa timbilu; na Rito ra Malakiya 4 ri ri karhi ri susa vanhu eka mikhuvu ya vona, ri va tlherisela endzhaku eka Ripfumelo ra va tata wa vona. Hi xona xikombiso xexo.

²⁰⁸ Maswitiva leswaku i yini? Ndza pfala sweswi. Swikombiso hi ntoloveloo swa amukeriwa, hakunene; kambe, rito, oho, ee. Rito leri ri landzelaka xikombiso, a va lavi na nchumu ha rona. Ina.

²⁰⁹ Xikombiso xa Yesu, tani hi Mesiya, i ku hanyisa vavabyi, va swi amukerile sweswo. Kambe siku rin'wana U teri, "Mina na Tatana hi Un'we."

²¹⁰ Oho, mina, rito lero a ri amukeriwanga. Va teri, "U ti endla Xikwembu Wena hi wexe, u ti ringanisa na Xikwembu."

A ku, "Ndzi N'wana wa Xikwembu."

²¹¹ "Oho, mina, swi nga endlekisa ku yini leswaku Xikwembu xi va na N'wana xana? Wa vona, swile kule na Xikwembu leswaku xi nga va na N'wana!"

²¹² Kambe, maswivona, va xi pfumela xi-xi xikombiso, vavabyi va nga ha hanyisiwa, nakona, oho, sweswo swi kahle, sweswo kova ntsena leswi nga sasekisiwa. Kambe loko swi ta eka rito, a va swi lavi ku pfumela eka rito. Va endla yini xana? Va N'wi veka ehandle.

²¹³ Nakona maswitiva leswaku i yini? Bibele ya hi byela, eka Nhlavutelo ndzimana ya vu3, eka Nguva leyi ya Kereke ya Laodekiya, leswaku U ta endla swo fana. U le handle ka kereke. Rero i Rito leri kombisiweke. Hi Yena Rito leri ri kombisiweke. Hambi swi ri tano Wa hari Rito leri ri kombisiweke.

²¹⁴ Loko mi nga pfumela xikombiso xa Sodoma, xa Luka, loko mi nga swi pfumela sweswo, swingaleswi hikokwalaho ka yini mi nga amukeli Rito ra Malakiya 4 xana? Wa vona, hikokwalaho ka yini n'wina, n'wina? Ri nga ha kombisiwa. Ntsena ndlela leyi nga endliwaka i...Xikombiso xi nga ha kambisisiwa, kambe mi fanela ku amukela Rito.

²¹⁵ Muxe u lerisiwile ku rhelela ehansi, eka ntumbuluko, a ya kuma xikombiso xa ximoya niku vitana vanhu leswaku vatlhelela endzhaku eka xitshebbiso xa va tatana.

²¹⁶ Malakiya 4 i kuva a ta tlherisela vanhu “Ku tlhelela endzhaku eka Ripfumelo ra vatatana.” Oho, ku tlhelela, O n'wina mabofu ni vahangalaki, a ka n'wina!

²¹⁷ Hi ku pfala, ndzi ta vula leswi, eka ku angula loku ko hetelela. Muprefeta u teri, “Ku tava ni Rivoni hinkarhi wa ni madyambu.” Langutani, u teri, “Kutava ni siku leri ri nga taka ri ngari siku kumbe vusiku.” Sweswi yingiselani. Ndza pfala. “Kutava ni siku...” Mi nge leswi swi nwelela swinene, nakona i ngaku Xikwembu xi nga swi nghenisa eka mbilu yin’wana na yin’wana eka vanhu va ndhawu leyi, madyambu lawa, eka odithoriyamu leyi. Muprefeta u teri, “Kutava ni siku leri ri nga taka ri nga vitaniwi siku kumbe vusiku, endlelo ro kanganyisa, ra mpfula, siku ra nkungwa. Kambe,” a ku, “hinkarhi wa ni madyambu, kutava na Rivoni.”

²¹⁸ Sweswi, tsundzukani, dyambu minkarhi hinkwayo ri xa eVuxeni ri ya evupela-dyambu. Nhluvuko wu landzelerile dyambu. Maswitiva sweswo. Kutani, xiyisisani, dyambu leriya ri xaka eVuxeni ra hari rona leri ri pelaka eVupela-dyambu. Sweswi, nhluvuko wu fambile xikan’we na dyambu, ku kondza laha Vuxa na Vupela-dyambu byi nga hlangana. Hi le Ribuweni ra Vupela-dyambu; Vuxa na Vupela-dyambu.

²¹⁹ Kutani, tsundzukani, Evhangeli yi fambile hi ndlela yiri yin’we. Yi xile eVuxeni, ku nga kuta ka Yesu Kreste, N’-w-a-n-a, kungari d-y-a-m-b-u. N’-w-a-n-a, N’wana wa Xikwembu, u pfukile hile Vuxeni, eka vanhu vale Vuxeni.

²²⁰ Kutani sweswi kuvile na siku laha vanhu va nga joyina kereke, va endla tidinominexini, ntsena ku vonakala nyana loku ku ringaneleke ku vona, “Kunene, hi tava na kereke. Hi ta aka *leswi*. Hi ta aka xikolo. Hi ta aka xibedlhelle. Hi ta dyondzeka. Hi tava na seminari.” Va tava niku vonakala loku eneleke ku endla sweswo.

²²¹ Kambe, tsundzukani, Bibebe yi teri, muprefeta wa Hosi, eBibeleni, laha ku nga LESWI HOSI YÍ SWIVULAKA, “Dyambu lero ri fanaka ri vangamaka eVuxeni ri ta vangama nakambe eVupela-dyambu, hi nkarhi wa ni madyambu. Kutava na Rivoni hi nkarhi wa ni madyambu.”

²²² Xana U ta endla yini xana? Sweswo hakunene hi leswi swi humelelaka hilaha A nga vula ha kona eka Luka ndzimana ya

vu17. “Enkarhini wa makumu, loko N’wana wa munhu a tava a paluxiwile hi ndlela yi ri yin’we ni leyi A ri eVuxeni, N’wana ya luya wa ha vangama, Matimba ya lawaya, Moya wa luwa lowo Kwetsima, Nchumu wun’we wu endla nchumu wun’we. Kutava na Rivoni hinkarhi wa ni madyambu.”

²²³ Dyambu leriya ri fambeke; N’-w-a-n-a ya luya a fambeke; a xikela ehansi hi le Vuxeni, kusuka eka Paul; a tlulela eJarimani, eka Martin Luther; a tlula nakambe, eka ku koka ka Yena loku a ku landzela; kutani a suka kwalaho a ya eNghilandhi, eka John Wesley; a tlula a tsemekanya Atlantic Ocean, a ya eUnited States, eka Pentekosta; kutani sweswi Pentekosta yi ti khonyanisile yona hi yoxe, kutani hi le Coast.

²²⁴ Un’wana na un’wana wa vona, va tiendle dinominexini, ntsena tani hilaha va swi endleke ekusungulen, va endla vandla leri Xikwembu xi nga ri rhukana. Pentekosta, ni hinkwavo, va endle sweswo.

²²⁵ Kambe U teri, “Kutava na Rivoni hi nkarhi wa ni madyambu. Kutava na xikombiso lexi xi nga ta pfuka hi nkarhi wa ni madyambu.” Mi nga Swi hupi, vanghana. Mi nga Swi hupi. Sweswi, N’wana ya luya u ta nyika Rivoni ro leriya. D-y-a-m-b-u rona reriya ra ha ta nyika masana ya d-y-a-m-b-u reriya. N’-w-a-n-a ya luya wa ha ta nyika Rivoni ra N’-w-a-n-a reriya.

²²⁶ Sweswi, sweswo a hi ku vula ka mina. Un’wana na un’wana loyi a nga lahawani, loyi a swi tivaka leswaku Bibebe yi vula tano, yimisani mavoko ya n’wina. [Nhlengeletano yi ku, “Amen.”—Muhleri.] Sweswo hi swona hakunene.

²²⁷ Sweswi, mi nga ha swikota, swile ka n’wina. Ku pfumela leswaku N’wana wa Xikwembu, Yesu Kreste, u na, a nga fanga. Wa hanya. U le ka vumunhu, wa titsongahata. Minkarhi hinkwayo U tshamisa xisweswo. Hi ndlela yale henhla nikuya ehansi. Mi titsongahata, mi sukela miehleketo ya n’wina ya xitachi, kutani mi pfumela Hosi Yesu. Mi vona xikombiso, kutani mi pfumela Rito. Thlelani, O vahangalangi, eka n’wina!

A hi korhamiseni tinhloko ta hina.

²²⁸ “Kutani loko va nga pfumeli Rito ra xikombiso lexo sungula, lexi nga evokweni, tani hilaha a xi ri na Muxé, kutani endla xikombiso xa vumbirhi. Kutani, loko va nga xi pfumeli xikombiso lexi, kutani teka mati (mati ya yimela vutomi) lawa ya nga eka lwandlenkulu kumbe lwandle, u ma chela ehansi, ri tava ngati.”

²²⁹ Tatana wa le Matilweni, hakunene nkarhi wu fambile sweswi, kambe U tshembhisile leswaku kutava ni Rivoni hi nkarhi wa ni madyambu. Pfumelela Rito ra Evhangeli ri nyupela hi vuenti etimbilwini ta vanhu, tani hilaha Ri va lamulelaka ni ku swi dyondza hi Rito.

²³⁰ Katekisa vaaki lava, Hosi. Katekisa vanhu lava. Wa va vona va tshamile lahawani, ni ndlala, vana va swisiwana va rahiwa hikokwalaho ka byona niku tshikeleriwa ha byona, ni *leswi*, hi ku tiva leswaku Sathana u endlile sweswo ntsena kuva pfala mahlo eka nchumu loko Wu fika kwalahaya. Va nga hava, madyambu lawa, hi moya wuri wun'we, ku pfumela Yesu Kreste, mi pfumela xitshembhiso xa Yena, xa leswaku U pfukile ekufeni.

²³¹ U teri, "Hi nkarhi lowu a va nga swi ehleketi, swingaleswi N'wana wa munhu u tata."

²³² Loko kereke yi tava yi ri na swona, swi dya mali yo tala ngopfu, ku akiwa miako ya mamiliyoni ya tidolara. Swa antswa va tshika, Tatana, ndza pfumela, ku yima lahaya endzhaku ekhoneni, kuri karhi ku biwa ta—ta tamborani, na swidloko emavokweni ya vona, drama ra khale ekhoneni tani hi Salvation Army, kutlula loko ri tshamile endzeni ka muako lowu lowukulu wa vuhalayiselo madyambu lawa, va le ku ringetenka ku landzelela misava, "Vana nghohe ya vukhongeri, kambe va ala Matimba ya byona."

²³³ Hi nyike, Hosi, madyambu lawa, nakambe, Hosi; tani hi Samson a huweleleke, "Nakambe, Hosi, nakambe." Swi endlili swi tiveka leswaku wena hi Wena Kreste, N'wana wa Xikwembu; la nga wa tolo, namuntlha ni hilaha ku nga heriki. Nakona Ti kombisi exikarhi ka hina, leswaku va nga ha vona xikombiso, leswaku va nga ha pfumela Rito. Ha leswi, ndza swikombela hi Vito ra Yesu Kreste. Amen.

²³⁴ Hi ya eku vitaneni ka layini ya xikhongelo, hi ku hatlisa. Ndza swivona leswaku i nkarhi wo hi hangalaka lowu. Kambe a hi veneni ni layini ya xikhongelo, ntsena xikhongelo nyana xa layini, kutani hi ta sungula mundzuku.

²³⁵ U nyikile makhadi ya xikhongelo namuntlha. Swingaleswi, hi humesa makhadi siku rin'wana na rin'wana, swingaleswi leswaku un'wana na un'wana a kota kuva na xinkadyana leswaku vata, nkarhi wo chavisa. Ku yima elayinini ya xikhongelo, sweswo a swi mi horisi. Un'wana na un'wana wa switiva, eka nhlengeletano yin'wana na yin'wana, kuni votala lava va nga hanyisiwa kwalahaya kutlula lava va nga hanyisiwa lahawani, wa vona, minkarhi hinkwayo. Moya lowo Kwetsima wo va ntsena lowu wu tshamaka wu ri kona. U le ku ringetenka ku kuma vapfumeri, hi swona hinkwaswo sweswo, A nga ha kota ku nghena.

²³⁶ Ku humesiwile makhadi ya xikhongelo ra P, tani hi le ka Paul. A hi, laha hi nga kona...Kunene, hi ta vitana kusuka eka un'we. Wo sungula, wa vumbirhi, wa vunharhu, wa vumune, wa vunlhanu, wa vuntsevu, wa vunkombo, wa vunhungu, wa vunkaye, wa vukhume, hinkwavo a va yimi va yima *lahawani*, loko hi leswaku mi ta swikota. Khadi ra

vona ra xikhongelo P, tani hi Paul, ro sungula kuya fika eka ra vukhume, yimani lahayani eka tlhelo *leri*, loko mi nga swikota ku yima. Loko mi nga swikoti, kutani hi ta kuma un'wana loyi a nga ta mipfuna. Khume; ro sungula, ra vumbirhi, ra vunharhu, ra vumune, ra vutlhanu, ra vuntsevu, ra vunkombo, ra vunhungu... Swikahle, man'wana mambirhi. Nhungu, nkaye, khume, swikahle. Khume ku fika eka khume ntlhanu, khume ku fika eka khume ntlhanu, hi man'wana ya ntlhanu yo engetela. Khume ntlhanu kufika eka makume mbirhi, yimani leswaku ndzi ta kota ku swivona leswaku matlakuka; P, khume ntlhanu kuya fika eka makume mbirhi. Makume mbirhi ku fika eka makume mbirhi-ntlhanu. A hi voneni sweswi, hambi u ngava u ri kwihi. Sweswi mi nge vayingeseri hinkwavo va xixima hi ntayiso, ntsena xinkadyana. Lero kutava kuri khadi ra xikhongelo P, ro sungula kuya fika eka ra vumakume mbirhi-ntlhanu. A hi swona xana? Makume mbirhi-ntlhanu, ro sungula kuya fika eka ra vumakume mbirhi-ntlhanu.

²³⁷ Sweswi un'wana na un'wana hakunene a xiximi. Nyika Xikwembu ku hlonipha kwaloko hi vunyingi, nyika Hungu. Mi swi kolota Xikwembu, ku hlalela minete niku tekela enhlokweni.

²³⁸ Sweswi ndzi pfumela leswaku va le ku endleni ka vanhu leswaku va tilulamisela. Vona lava va nga riki... Loko va ri ni makhadi ya xikhongelo, hinkwavo a va folanga layini, va ta swi langutisa; va ta ndzi byela hi timinetse tintsongo, kutani va ta... kutani hi ta swivona loko kuri ni loyi a nga twiki kumbe un'wana loyi a nga swikotiki.

²³⁹ A ndzi tivi leswaku va le kwihi, vanghana, makhadi ya vona ya xikhongelo. Jaha rile ku teni lahayani... [Makwerhu Branham a vutisa un'wana eka platifomo, "I mani loyi a maphakelaka xana? Hi wena, kumbe Billy xana? Billy?"—Muhleri.] Loko a ta, a fika a hlanganisela makhadi, emahlweni ka n'wina vanhu, kutani a mi nyika khadi ra xikhongelo; mi namba mi ta xikan'we-kan'we, u ta mi byela ku tshama ehansi, a mi nyika makhadi ya xikhongelo. Wa vona? A ndzi ku tivi laha va nga kona. A ndzi ri eku ringeten i ka ku kuma n'wana loyi lahayani, wa vona. Kutani, van'wana, a ndzi—ndzi va tivi, a ndzi—ndzi na ndlela yaku switiva sweswo. Ndza pfumela leswaku Xikwembu ntsena xi swi xixima hi ndlela leyi Xi swi lavisaka xiswona tani hi sweswo.

²⁴⁰ Sweswi, hinkwerhu ka n'wina, n'wina lava mi pfumalaka makhadi ya xikhongelo. Yimisani mavoko ya n'wina, mi ku, "A ndzi na khadi ra xikhongelo, kambe ndza vabya." Yimisani mavoko ya n'wina, hinkwako emuakwini. A ndzi na mhaka ni leswaku u le kwihi, yimisani... Kunene, a kuna vanhu votala lahayani, sweswi. Kunene, kuya hi sweswo, a swi nga kali swi

hlwela ku khongelela layini ya xikhongelo mundzuku. Ku ni kwalomu ka makume mbirhi wa lava va nga lahawani, handle ka lava va yimeke lahawani, lava va vabyaka.

²⁴¹ Sweswo swi kahle. Ndzi tsakile loko ndzi mi vona mi swi amukela hi ndlela yaleyo. Mi ni ripfumelo ro tala kutlula leswi a ndzi swi tekisa xiswona, kumbexana. Wa vona? Wa vona? Loko mi amukerile ku hanyisiwa ka n'wina, cukumetani makhadi ekule, Xikwembu a xi mi katekisi. Lero hi rona ripfumelo ra ntayiso. Kuhava loyi a mi tlhandlekeke mavoko; mi tlhandlekile mavoko eka Kreste.

²⁴² Sweswi mi kwalahawani madyambu lawa, sweswo a swi ngevi kona eka layini ya xikhongelo, ma xi pfumela xitorhi lexi. Tani hi wansati loyi a khumbheke emakumu ka nguvu ya Yena, kutani A hundzuluka a swi tekela enhlokweni leswaku U khumbhiwile ha yena, i vangani va ha xitsundzukaka xitorhi xana? Hakunene, ma xitsundzuka.

²⁴³ Sweswi ma swi pfumela leswaku, Yena, Bibele yi teri eka va-Heveru 4, leswaku, "Hi Yena Muprista Lonkulu, laha sweswi, a nga khumbhiwaka hi vutitwi bya hina bya mirhi lowu tsaneke"? [Nhlengeletano yi ku, "Amen."—Muhler.] Kunene, loko a ha ri Yena tolo, namuntlha, ni hilaha ku nga heriki, xana A ngevi na maendlelo yan'we xana? ["Amen."] A hi Yena a swi endleke, madyambu man'wana na man'wana, kwalahawani xana? ["Amen."] I vangani lava va nga tshama va va eka tinhlengeletano tin'wana niku N'wi vona loko a swi endla xana? Ntsena yimani. ["Amen."] Hakunene. Wa vona? Misava hinkwayo! Wa switiva, Wa switiva hinkwaswo swa n'wina.

²⁴⁴ Kutani maswivona leswi ndzi vulavulaka ha swona xana. I vangani va swi twisisaka leswi ndzi mi lavaka leswaku mi swi endla xana? Wa vona? Ndzi mi lava, kungari na munhu loyi a nga ta mi tlhandleka mavoko, ndzi mi lava, tani hi atikili ya xiviri ya Xikwembu, mi ku, "Yesu Kreste, ndza Ku pfumela. Sweswi ndza Ku amukela tani hi muhanyisi wa mina. Sweswi ndza Ku amukela tani hi Muponisi wa mina. Ndza swi pfumela hi mbilu ya mina hinkwayo, ntirho wu tirhiwile." Kutani khomelela xitshebbiso xexo, khomelela ku tivila kwaloko ka wena u ta emahlwesi na swona. Langutani leswi swi humelelaka. Wa vona? Langutani leswi swi humelelaka. Wa vona? Kutani sweswo hi leswi ndzi ringetaka leswaku mi endla swona, hi ndlela ya ntayiso leyti hi fanelaka ku pfumela ha yona.

²⁴⁵ Mi ri yini? [Un'wana a ku, "Mune na khume nkaye."—Muhler.] Nambara ya mune, khadi ra xikhongelo ra nambara ya mune na nambara ya khume nkaye, ma lahlekile. Khadi ra xikhongelo ra vumune. Langutani eka un'wana; langutani makhadi ya loyi a nga kusuhi na wena.

Khadi ra xikhongelo ra nambara ya mune na nambara ya khume nkaye. Swi lulamile, ntsena xinkadyana, yimani. Wa vona, loko ndzi nga n'wi vitani, kutani ndzi kumeka ndzi chucheka eka rona, maswivona. Mi ri yini? Mi ri yini? ["Mune."] Mi na mune? Nkaye yona ke... Ku hava khume nkaye sweswi. Mi ri yini? ["Kuna mune."] Khadi ra xikhongelo ra nambara ya mune a ri se fika, kumbe khume nkaye. Loko kuri ni loyi a nga khoma makhadi ya vona, loko kuruku u tata elayinini. Kumbe, langutani, wa vona, swi nga ha endleka... ku ri ni... Xana n'wana yaloye u na khadi xana? Kambani, a ri kona... Yaley o a hi nambara. Xana mhani *loyi* a nga lahwani u na rona khadi, eka xitulu lexi xa mavhilwa xana? Kambani nambara ya yena. Xana—xana yaley o i nambara ya yena xana? Mhani loyi a nga exibedwanini, haa? Va na rona. Vona, hinkwawo ma nghenile sweswi. Hi swona. Swikahle. Sweswi—sweswi, n'wina vanhu lava mi nga na khadi ra xikhongelo, makhomeni. Hi ya eku tirheni, hi tintswalo ta Xikwembu.

²⁴⁶ Sweswi, vanghana, lawa i madyambu yo hetelela lawa hi nga tava na wona, mundzuku i ndzhengha wa Sonto, a hi miyeleni hi vuhina. Ntsena tekani ku ka mi nga pfumeli ka n'wina hambi—hambi kuri mieleketi ley i nga ehleketa, hi yi pavalarisa ehansi, mi yi kandziya hi minkondo ya n'wina, tani hilaha a swi ri hakona. Mi ku, "Hosi Yesu, ndzi ya eku Ku pfumeleni." I vangani va nga ta swi endla sweswo xana? [Nhlengeletano yi ku, "Amen."—Muhleri.] Ndza mi khensa. Xikwembu a xi mi katekisi.

²⁴⁷ Sweswi ku nga hume na un'we. Tshamani mi ku whi, mi pfumela. Mi hlalela hi ndlela ley i, kutani sweswi langutani.

²⁴⁸ Ku tiveka ka Xikwembu minkarhi hinkwayo ka tiviwa, hi nga ha swivona leswi a swi ri xiswona, hi vula leswi a swi ri xiswona, leswi sweswo swi nga xiswona, kumbe leswi swi nga tava xiswona. Ha switiva sweswo. Sweswo hi leswi vaprefeta va nga tivisiwa xiswona. Sweswo hi leswi Yesu a nga tivisiwa xiswona tani hi Mesiya. Kutani Wa ha ri Mesiya na namuntlha tani hilaha Yena a ri hakona, ntsena a ngari na mirhi lowu wu twaka ku vava lahwani emisaveni. U rhumerile Moya wa Yena endzhaku ku ta tirhisa mimirhi ya n'wina, mirhi wa mina. Sweswi, swi nga ha endleka mi nga swikoti ku endla leswi. Ha switiva, eMatsalweni, kuna un'we eka rixaka. Kambe, wa vona, kambe hambi swiritano mi nga ha swi pfumela, mi tlhela mi kuma swilo swin'wana leswi mi nga ha swikotaka, un'wana na un'wana.

²⁴⁹ Ku nga humelela yini loko rintiho ra mina ro kunguhata, hikokwalaho ka kuva tinhlo lero ri nga ri ra mina, a ri nge hevi tintiho ta mina? Ku nga humelela yini loko voko leri ri

ngaku, "A ndzi nga ha pfuki ni pfukile nakambe, hikuva loko ni ngari tinhlo, kumbe ndleve, a ndzi nge he pfuki ndzi va voko"? Hikokwalaho ka yini, swi ta lamata mirhi wa mina.

U tava leswi Xikwembu xi nga swi vekaza xiswona leswaku u va xiswona.

²⁵⁰ I nkarhi wo tani hikwihi ni ri karhi ni hlalamala Oral Roberts, Billy Graham, Tommy Osborn!

²⁵¹ Van'wana va vavanuna lava va famba kwalahaya va ku, "Kukwetsima a kuve eka Xikwembu! Swi pfumeleni!" Ripfumelo ra mbyana ya xinuna. Fambelani ekule, va famba layaha va tengile tani hilaha va nga vaka hakona.

²⁵² Billy Graham a yima na hungu, a vulavula na vanhu timinetse tintsongo, a ku, "Tekani xiboho hi n'wexe; tanani ealtarini." Ntsena yimani lahaya, mi nga famba-fambi.

A ku, "Hikokwalaho ka yini u endla sweswo, Billy?"

²⁵³ A ku, "Hungu ra mina ri ya emahlweni. Rihuma eka Xikwembu." Sweswo hi swona.

²⁵⁴ U le ka kereke ya leyo ya Sodoma, ntsena hilaha a swi fanele kuva hakona. Vito ra yena ri hetisela hi h-a-m kusuka eka Abraham, maletere ya ntsevu; ya Abraham a ya ri ya nkombo. Wa n'wi vona murhumowiwa wa kereke yaleyo, ehansi lahaya eBabilona? Hakunene-nene. Kuhava munhu etikweni a nga khoma hungu lero ra ku hundzuka, tani hi Billy Graham. U yima kwalahaya. Loko a suka kwalahaya, u ya a ya dya nyama ya T-bone a ya eku etleleni, a nwa na phehlwa. Hi swona hinkwaswo sweswo.

²⁵⁵ Nakona loko ma ha fanele hi ku yima mi lwisana na madimona! Nkarhi wun'wana eka Long Beach, Makwerhu Jack na mina... Tatana wa n'wina a yimile kwalahaya.

²⁵⁶ Kutani kwalahaya a ku yimile Nkul. Fuller, Charles Fuller, makwerhu wa kahle, a yimile kwalahaya a ri karhi a chumayela. Kwalomu ka magidi mambirhi kumbe manharhu ya vanhu vari kwalahaya ndzhengha walowo. Hi tshamile hi yingisela eka nhlengeletano ya yena. Ndzi vuye ndzi hayara odithoriyamu, endzhaku ka yena. Kutani u yimile kwalahaya a va niku vulavula lokunene. Kutani a ku, "Ku ni loyi a lavaka ku amukela Kreste lahawani xana?" Vanhu vambirhi kumbe vanharhu vatisile vana ku ta katekisiwa. Wansati un'wana u teri u lava ku swi amukela. U tile a ta nyika xikhongelo nyana, un'wana wa madiyakoni, a tlhela a ya tshama ehansi. A tlhavulana mavoko, a hundzuluka a huma. A kuri ni swidyondzeki swa yena, ntlawa wa vanhu va ma ambale ya kahle, vari karhi va huma kwalahaya.

²⁵⁷ Lahaya ku nghena va mina, vari ni mpahla leyi va yi hundzaka, va ri eka switulu swa mavhilwa, va ri mabofu, va ri swilema, vatsoniwa, va lamatiwa. Loko ripfumelo ra n'wina ri langutane ni swin'wana swo tani hi sweswo!

²⁵⁸ Sweswi lahawani, xana ndzi koxe leswaku Kreste u tava yini xana? Kutani lava nga riki vapfumeri lava nga tshama kwalahaya, va lava ku kuma nkhuluko, wa vona, ntsena ku kuma nkhuluko wun'we.

²⁵⁹ Tsundzukani, lahawani ku ngari khale ngopfu eToronto, a hi yimile kwalahaya hi ri eku chumayileni, hi khongelela vavabyi. A ndzi tshamela ro twa moya lowu nga twisisekiki; a wu tshamile eximatsini xa mina. A ndzi tshamela ro wu hlalela. A kuri ni wanuna loyi a tshameke kwalahaya, ntlawa wu n'wi hirhile leswaku a ta kwalahaya a ta ndzi khuzeherisa. A nga haya hinkwako enkambeni ya vuthu a ya endla leswaku masocha hinkwavo va kumeka emavokweni ya vona va tlhela va vukula tani hi timbyana, ni swin'wana; ku khuzehela. Ndzi titwe ndzi ri na moya wolowo wo biha. A ndzi switivanga leswaku a wu huma kwih. Ndzi tshamerile ro langutisa. Ndzi vonile ndzhuti walowo wa ntima. Ndzi rindzerile nyana timinetse tintsongo. Ndzi ku, "Wena n'wana wa Sathana, hikokwalaho ka yini javulosi a ku pfarile mahlo eka swin'wana tani hi sweswo xana? Hikokwalaho ka kuva u tile u ta tekela Xikwembu, ku tlhontla Moya wa Xikwembu, va ta ku hlongola u huma lahawani." U lamarile kwalahaya exitulwini xa yena nakona wa ha lamarile. Wa vona?

²⁶⁰ A hi tlangi kereke. I vangani lava a va ri eka tinhlegetano kutani va vona swilo leswi swi fanaka swi humelela, maswitiva swilo leswi humeleleke xana? Hakunene. Sweswo hi swona. Tsundzukani, mi—mi va ni xichavo.

Sweswi hi leswi lahawani, ndzi fanele, munhu wo sungula. A hi swona xana?

²⁶¹ Sweswi, wa vona, ndzi chumayerile, ndzi mi byerile hi leswi hakunene swi nga ta humelela eka siku leri. Sweswi xexo i xikombiso, loko xi humelela. Xexo hi leswi xikombiso xi nga ha kona, kutani pfumelani Rito leri ri landzelaka xikombiso. Wa vona?

²⁶² Sweswi hi loyi wansati. Hakunene, eka n'wina ma ha ku taka, loyi i Mukwetsimi Yohana 4, laha Hosi ya hina Yesu a nga hlangana na wansati exihlobyen. A va nge se tshama va hlangana, evuton'wini, kutani U byerile wansati laha khombo ra yena a ri ri kona. Kutani u swi tekerile enhlokweni leswaku yaloye i Mesiya. Maxitiva xitorhi xana? Lahawani hi lexi nakambe, wanuna na wansati vahlanganile. Sweswi a hi wansati, nakona a ndzi yena Wanuna luya, kambe sweswo ka hari Xikwembu xexiya. Wa vona? Sweswi, Yesu u teri, "Mintirho leyi ndzi yi endlaka mi ta yi endla na n'wina," Mukwetsimi Yohana 14:12.

²⁶³ Sweswi, manana, ndzi ngari eku kutiveni, ni nga switivi leswi u nga yimela swona kwalaho. Swi nga ha endleka kuri mhaka ya xikaya. Swi nga ha endleka kuri un'wana.

Kumbexani wa vabya. Kumbexana i...Kumbe u yimile lahaya, ntsena u ambala xin'wana. Loko swi ri swona, ntsena lavisisa leswaku ku humelela yini. Wa vona? Kumbexana u encenyeta swin'wana. Hambi ku nga hava yini, a ndzi tivi... U nga hava u ri mupfumeri wa xiviri. Sweswo a ndzi switivi, kambe Xikwembu xa switiva. Kambe u ta switiva loko Xi vula ntiyiso kumbe wungari wona, a wu nge switivi xana? Loko kuri ntiyiso, u ta switiva.

²⁶⁴ Sweswi, wa vona, sweswo hi leswi ripfumelo ra wena ri nga na swona ku swi endla. Hikokwalaho ka yini u tsakela ku ta haleno xana? Loko munhu un'wana a pfumela leswaku swi hoxekile, kutani tanani lahwani mi ta teka muvabyi loyi, mi ta lahwani mi ta teka hinkwavo ka vona. Kutani loko mi nga swi endli, kutani mi nga ni soli. Wa vona?

²⁶⁵ Sweswi languta lahwani, sesi, ntsena xinkadyana. Sweswi a ndzi na miehleketo yin'wana, a kuna nchumu ha wena. Wo va ntsena wansati loyi a ti yimeleke kwalaho.

²⁶⁶ Sweswi loko Hosi Yesu Kreste, N'wana wa Xikwembu, Loyi ndzi nga n'wi khorwisa hi Bibebe, a tshembhiseke leswaku U ta tlhela a vuya hi masiku yo hetelela a ta tipaluxa yena hi Yexe a hetisekile hi Moya wa Yena.

²⁶⁷ Ntsena tani hi Kereke yi taka; tani hi laha hi taka evumunhwini, kusukela eminkondzweni, ku ta ehenhla exisutini, kuya fika enhlokweni, kutani nhloko i nhloko ya mirhi. Kutani Mirhi wu tile, hambi kuri kusukela eka Kereke yo sungula, kuta ehenhla, eka leswi, kuta eka rhifomexini, ku tile kuta fikela sweswi. Ku tile hi ku lulamisiwa, ku kwetsimisiwa, nkhuvulo wa Moya lowo Kwetsima. Sweswi i Nhloko (Kreste) yi taka eka Mirhi, Mirhi wa Kreste. Hi Yena Loyi a swi tivaka. Voko ra mina a ri tivi ku tirha, ntsena ha nhloko ya mina. Kambe hi Yena Un'wana Loyi a swi tivaka, hi xona xivangelo xa kuva Yena a ri Rito.

²⁶⁸ A ndzi Rito. Ndzi munhu. Kambe, maswivona, U tirhisa mirhi lowu. Hikuva, U fele ku kwetsimisa mirhi lowu, leswaku A nga ha wu tirhisa, a nyika na nyiko. Ntsena tani hiloko u koka gerhe u yi humesa, kutani Moya lowo Kwetsima wu yisa emahlweni.

²⁶⁹ Kutani, loko A nga ha hlamusela kumbe ku mi byela leswi mi swi endleke, leswi mi nga tela swona lahwani, kumbe swin'wana ha n'wina, mi ta swi pfumela. Kutani vayingiseri vata pfumela swo fana xana? [Nhlengeletano yi ku, "Amen."—Muhleri.] I nga ku Hosi Xikwembu xi nga swi nyika.

²⁷⁰ Sweswi ndzi teka moyo wun'wana na wun'wana, lowu nga lahwani, ehansi ka vulawuri bya mina, ku endlela ku kwetsima ka Xikwembu. Sweswi tshamisekani. Mi nga jika-jiki.

²⁷¹ Languta lahawani, ntsena xinkadyana. “Ndzi languti,” tani hilaha Petro na Yohana va ngeteri, loko va hundza enyangwени. Hi marito man’wana, ntsena yingiselani leswi ndzi swivulaka. Wa vona?

Yesu u vutisile wansati swivutiso swintsongo. “Ndzi keli Ndzi nwa.”

²⁷² Wa vona, a ndzi ri eku chumayeleni, swo fana. Tatana u ndzi rhumerile lahawani eka—eka Baton Rouge. Ndzi kwalahawani.

²⁷³ Tatana u teri U lava ku famba hi le Samariya. U tshamile kwalahaya. Wansati hi yena wo sungula ku ta eka Yena. U endlile xikombiso xexo xin’we eka wansati ya loye, nakona tiko hinkwaro ri hundzukile. Xana ku hambana ku le kwihi . . .

²⁷⁴ Mi ehleketa, leswaku loko A nga endla swo fanana, madyambu lawa, mi ehleketa leswaku hinkwavo va le Baton Rouge va nga hundzuka xana? Ndza swi kanakana, a mi tano n’wina xana? Hakunene-nene ndzi pfumela tano. Kambe hi le masikwini ya makumu, laha yubihi byi nga biha swinene kutlula hilaha byi nga tivekisa xiswona.

²⁷⁵ Sweswi swiyimo swa n’wina. Mi lahawani leswaku mi ta khongeleriwa. Hi swona hakunene. Kutani u karhatiwa hi nkolo. Loko sweswo swi ri ntiyiso, yimisa voko ra wena. Ku nga ri sweswo ntsena, kambe ku ni un’wana loyi u nga eku n’wi khongeeleni. I n’wana, kutani n’wana ya loye u karhatiwa hi nkolo. Kutani i xiymo xa nkolo wa n’wana, ku ni swimila enkolweni. Wa pfumela leswaku Xikwembu xi ta n’wi hanyisa na yena, xana? Xidukwana xexo xi nga evokweni ra wena, lexi u xi yimiseleke Xikwembu, tani hi mbhoni. U nga xi kanakan sweswi. Famba u ya tlhandleka xidukwana eka n’wana. U nga kanakan, hi mbilu ya wena hinkwayo. Xikwembu xi ta mi horisa havumbirhi bya n’wina mi hanya. [Sesi a ku, “A Dzunisiwi! Haleluya!”—Muhleri.] Xana u nga swi endla sweswo xana? [“Yesu! Ndza Ku khensa, Yesu!”] Kutani famba, kutani Hosi a yi ve na wena. [“Ku kwetsima a kuve eka Xikwembu! Haleluya!”]

Minjhani? A hi tivani, nakamabe.

²⁷⁶ Ma pfumela xana? [Nhlengeletano yi ku, “Amen.”—Muhleri.] Xexo hi xona xikombiso. Sweswi Rito, i ku, “Tlhelelani eRitweni!”

²⁷⁷ A ndzi ku tivi; Yena wa ku tiva. Loko A nga ndzi byela swin’wana ha wena, kutani u ta pfumela leswaku Rito leri ndzi nga ri vula leswaku ri ta tiyisisiwa xana? Sweswo i ku—i ku tiyisisiwa ka Rona. Wa vona? Ndzi vula leswaku U swi endlile; sweswo i ku profeta. Sweswi loko vuprofeta byi humelela, kutani U teri, “Byi yingiseni.”

²⁷⁸ U tshamela ro rhurhumela laha ku ku karhataka nkarhi hinkwawo, ku rhurhumela. Nakona u na rhumba, nakona

rhumba leri rile nengeni wa wena. Sweswo hi swona, a hi swona xana? [Sesi a ku, "Ina."—Muhleri.] Sweswi wa pfumela xana? ["Ina, nkulukumba."] Kutani tifambeli endleleni ya wena, u pfumela. Kutani, tani hilaha u nga pfumela, swingaleswi swi ta endliwa eka wena.

²⁷⁹ Minjhani? A ndzi mi tivi, kambe Xikwembu xa mi tiva. Wa pfumela leswaku Xikwembu xi nga ha ndzi byela leswi swi ku karhataka xana? Ndzi languti. Wa karhateka. Kambe hi ntiyiso u yimile lahawani u yimela un'wana, kutani yaloye hi loyi u nga kula na yena. I sesi. Hi swona sweswo. Kutani wa pfumela leswaku Xikwembu xi nga ha ndzi byela leswi nga hoxeka hi sesi wa wena xana? Xana u ta swi amukela? U karhatiwa hi mbilu. Sweswo hi swona. Wa pfumela leswaku u ya eku hanyisiweni sweswi xana? Kutani, kuya hi ripfumelo ra wena, a swi endleriwe wena.

²⁸⁰ Tshunelani, manana. Minjhani ku pfuka? Loko Xikwembu xi nga ndzi byela leswi swi mi karhataka, kumbe leswi u nga swi endla, kumbe swin'wana, xana swi ta ku endla leswaku u pfumela xana? Wa switiva leswaku ndzi... A ndzi—ndzi—ndzi ku tivi. Sweswo ku tava kuri maendlelo ya Yena kuva ya tikombisa hi Woxe eka mina, kuya hi Rito leri Yena a nga ri tshembhisa. [Sesi a ku, "Ntsena ndzi ta swi pfumela."—Muhleri.] Wa swi pfumela sweswo xana? ["Ina. Amen."]

²⁸¹ U un'wana, u karhatiwa hi leswi swi karhataka vavasati va tintangha ta wena, kambe miehleketo ya wena yile ka un'wana. Ku tsakela ka wena eka Xikwembu; u le ku laveni ka Xikwembu kungari wena n'winyi, kambe u lavela un'wana, yaloye i wanuna. I nuna wa wena. Kutani u karhatiwa hi mbilu. Wa pfumela leswaku U ta... Xikwembu xi ta n'wi hanyisa xana? Tifambeli, u swi pfumela. Kutani, tani hilaha u pfumelaka, swingaleswi swi ta endliwa eka wena.

²⁸² Sweswi, wa vona, hinkwawo nchumayelo, wa awara ya leyo ndzi nga yi chumayela. Wu, lowu wu nga tshama wu va xiswona, vanharhu kumbe mune wa vanhu va hundzile hikwala, sweswi swi nga ha ndzi tikela ku yima kwalahawani. Wa vona? Wa vona, ntsena ntlawa hinkwawo wu languteka tani hi masi, kwalahawani. Wa vona? Yesu u teri, "Matimba ya fambile eka Mina." Nakona loko wansati un'we, a khumbha nguvu ya Yena, swi susa matimba lawa ya nga eka Yena, kutani Yena N'wana wa Xikwembu; kutani mina ke, mudyohi loyi a nga ponisiwa hi tintswalo ta Yena?

²⁸³ U teri, "Swilo leswi Ndzi swi endlaka mi ta swi endla na n'wina. Mi ta endla swo *tlula* leswi." Ndza switiva leswaku King James yi ri, "leyikulu." Kambe loko mi nga teka hundzuluxo wo sungula, wu teri, "Mi ta endla yo *tlula* leyi ndzi yi endlake. Ku hava munhu loyi a nga endlaka leyikulu. U pfuxile vafi, a tlhela A yimisa na ntumbuluko, niku endla hinkwaswo. Kambe U teri, "Mi ta endla yo *tlula* leyi, hikuva ndzi ya eka Tatana."

²⁸⁴ “Misava a yi nga ha Ndzi voni; kambe n’wina mi ta Ndzi vona, hikuva Ndzi . . .” Langutani, “Ndzi,” ndzi—ndzi i riviti ra ximunhu. “Ndzi tava na n’wina, hambi kuri ku tshama na n’wina.” Kutani, a hi munhu. I Kreste.

²⁸⁵ Ndzi vula sweswo, hi maendlelo yo ni tininginisa nyana swintsongo, maendlelo yo ti tlherisela endzhaku. Mi kumeka mi suka endhawini ku fikela endzhaku ka xinkadyana nyana . . . A swi nga ri nkarhi lowu a mi ri ehenhla *lahaya*, kumbe ehansi *lahawani*; swi le xikarhi. I vangani lava va swi twisisaka sweswo? Ndza switiva mi—mi ehleketa leswaku ma swi twisia. Ndza pfumela, na mina.

²⁸⁶ Mikale mi switiva leswaku vaphati na vaprofeta minkarhi hinkwayo va va ni swiyimo swin’wana leswi nga twisisekiki? I vangani va swi tivaka sweswo xana?

²⁸⁷ I vangani lava nga tshama va hlaya hi ta William Cowper, muphati lonkulu wa Munghezi? Maswitiva leswaku, u tsarile, “Ku ni xihlovo lexi nga tala hi Ngati, leyi humaka eminsiheni ya Emanuel.” Endzhaku kaloko a tsarile risimu lero, xana mikale mi swi twa leswi nga n’wi humeleta xana? A ndzi yimile etlhelo ka sirha ra yena kungari khale ngopfu. U ringetile ku tisunga, kutani a ti hoxa enambyeni.

²⁸⁸ I vangani lava nga tshama va twa hi ta Stephen Foster, a nyika vanhu va Amerika tinsimu to antswa xana? A ri na tona enhlokweni kungari embilwini. Minkarhi hinkwayo nhlonhlotelo a wu n’wi ba, a nga kota ku tsala risimu. Kutani loko nhlonhlotelo wu n’wi sukela, a nga switivanga leswaku a nga endla yini ha Yena n’winyi, kutani u lahlekile. A—a—a pyopyiwile. Kutani ekuheteleleni loko a tava a sungurile ku huma eka nhlohlotelwa lowo, u vitanile mutirhi, kutani a teka xirhezani hiloko a tisunga. Hi swona sweswo.

²⁸⁹ Langutani Eliya, wa muprofeta. U yile lahaya a ya vitana ndzilo lowu wu humaka etilweni; a vitana mpfula leyi yi humaka etilweni hi siku ro sungula; niku pfala matilo niku endla hinkwaswo sweswo. Kutani loko nhlohlotelwa ta kumeka wu n’wi siya, u yile emananga kutani a ya lava ku fa. Kutani Xikwembu xi n’wi kumile, endzhaku ka mune wa makume wa masiku, a tlhelela ebakwini. Hi swona sweswo?

²⁹⁰ Langutani eka Yonas, wa muprofeta. Endzhaku kaloko a tava a nyikile hungu ra yena, u yile ehenhla a ya tshama exigangeni, a kombela Xikwembu kuva xi n’wi pfumelela ku fa. A haa. “Pfumelela nandza wa wena a famba hi ku rhula.”

²⁹¹ Vanhu a va swi twisisi. Ee, ee, a mi nge swi twisisi. Hambi ndzi nga swi hlamusela, kumbe kuri hava munhu un’wana. A wu nge swikoti ku xi hlamusela Xikwembu. Xikwembu a xi tiviwi hi vulavisisi bya van’wa-tisayense. Xikwembu xi

tiviwa hi ripfumelo. Ha Xi pfumela. Xana mi nga hlamusela yini? Xana swi ngava ripfumelo njhani, nakambe? Hi tiva Xikwembu hi ripfumelo.

²⁹² Kereke a yi nge n'wi tivi muxaniseki ni mukarhali, ni mutirhi ni wa miringo, loyi a ringetaka ku Ri tisa, Hungu. Xona xa switiva. Hakelo ya mina a yi humi evanhwini.

²⁹³ Languta lahawani, manana. Ina, hi xihatla. Wansati yaloye u na ndzhuti wa rifu. Xikwembu a xi ti hi ndlela ya kahle eka wansati loyi, ndzi nga ha swivona... Xana a mi ku voni ku ntima loku ku nembelelaka eka wansati yaloye xana? U ta fa, tani hi ntiyiso tani hi misava. Kwalahawani ku nga ri khale ngopfu, va tekile xifaniso xa swin'wana swo fana na sweswo, nakona ni na xona ekaya. U na ndzhuti wa ntima lowu wu nembelelaka ekusuhi na yena. U na ndzhuti wa rifu.

²⁹⁴ Manana loyi lontsongo u vile na vuhandzuri. Kutani eka vuhandzuri lebyi, va endlile vuhandzuri bya mfukuzani. Kutani sweswi wa xaniseka, tinxaka hinkwato ta—ta, kunene, ntsena a swi twisiseki. Nchumu wun'wana, a wu tiyanga a wu swikoti niku yima. Nchumu wun'wana, kwalaho hi le ka thundelo ku hundzaka vopfi. Sweswi, ntsena swingaleswi u ta swivona leswaku ntsena a ndzo tivulela swin'wana. Wa vona? Sweswo hi swona. Kambe, manana, dokodela u ringetile. Ndzi n'wi bela mavoko eka sweswo. Kambe, o va murhi, Xikwembu hi xona muhorisi. U ta fa hi ndlela yaleyo. U endlile hilaha a nga kota ha kona. Wa pfumela xana? [Sesi a ku, "Ina."] Tshunela haleno, yima nyana.

²⁹⁵ Hi ku lerisiwa loku ndzi nyikiweke kona hi Xikwembu xa Matimba hinkwawo, swi mbhoniyeriwile eka mina hi Ntsumi, laha yi nga kona sweswi hi xivumbeko xa Langavi ra Ndzilo, ndzi alela javulosi loyi a tekaka vutomi bya manana loyi. Hi Vito ra Yesu Kreste. Amen.

Famba, u pfumela sweswi. Ni hinkwaswo leswi nga eka wena, pfumela.

²⁹⁶ U xanisiwa hi leswi swi dlayaka vanhu vo tala kutlula swin'wana, vuvabyi bya mbilu. Va koxa leswaku hi byona vuvabyi lebyi byi khomaka xiyimo xo sungula, kasi a hi byona, nkulukumba. Vudyoho hi byona byi khomaka xiyimo xo sungula. Wa pfumela leswaku Wa swikota ku horisa mbilu yaleyo kutani u hanya xana? [Makwerhu a ku, "Ndza switiva leswaku Wa swikota."—Muhleri.] Kutani tifambeli, u swi pfumela. Xikwembu a xi ku katekisi.

²⁹⁷ Wa ehleketa leswaku Xikwembu xi nga horisa nhlana wa wena kutani u hanya xana? Xana wa pfumela hi mbilu ya wena hinkwayo xana? Tifambeli, u swi pfumela, sesi. U langutisa leswi humelelaka eka wena, u ta hola.

²⁹⁸ Vuvabyi bya mahlanganisi na bya mbilu. Kambe wa pfumela leswaku Xikwembu xi nga ku hanyisa xana? [Sesi a ku, “Ndza pfumela.”—Muhleri.] Hi mbilu ya wena hinkwayo? [“Ina, nkulukumba.”] U ta swi amukela xana? [“Ina, nkulukumba.”] Kuya hi ku pfumela ka wena, yaleyo hi yona ndlela leyi swi nga ta endlisiwa xiswona eka wena. Sweswi tifambeli, u pfumela hi mbilu ya wena hinkwayo, kutani Xikwembu xi ta ku hanyisa.

²⁹⁹ Na wena u karhatiwa hi nhlana. Wa pfumela leswaku Yesu Kreste a nga ku hanyisa xana? [Sesi a ku, “Ina, nkulukumba.”—Muhleri.] Ti fambeli sweswi, u swi pfumela hi mbilu ya wena hinkwayo. Mina a ndzi nge ku hanyisi, wa vona.

³⁰⁰ Wa karhala swinene, wa rhurhumela, nakambe u karhatiwa hi mahlanganisi. Wa pfumela leswaku Xikwembu xi nga ku hanyisa, xi ku horisa xana? Xana wa swi amukela xana? Famba, kutani u swi pfumela, sweswi.

³⁰¹ Swi tshamela ro ku pfuxa nkarhi hinkwawo, wa khohlola. Kambe Xikwembu xa horisa asma. Wa swi pfumela sweswo xana? [Makwerhu a ku, “Ina, nkulukumba.”—Muhleri.] Wa pfumela leswaku Xa ku hanyisa sweswi xana? [“Ina, nkulukumba.”] Xikwembu a xi ku katekisi. Ndza ku khensa, ha ripfumelo ra wena.

³⁰² Ku nga humelela yini loko ndzi nga vulanga na rito na rin’we eka wena xana, ntsena ndzi mi tlhandleka mavoko, mi ta pfumela xana? [Makwerhu a ku, “Ina.”—Muhleri.] Tshunela lahwani. Ndzi mi tlhandleka mavoko, hi Vito ra Yesu Kreste, kutani vuvabyi bya mahlanganisi byi mi sukela. Byi famba.

³⁰³ Tshunela. Tshunela, sesi. Wa pfumela xana? [Sesi a ku, “Ina, nkulukumba. Ndzi horisiwile hi Hosi ekusunguleni.”—Muhleri.] Kunene, sweswo swi kahle. [“Haleluya!”] Kutani tifambeli u ya dya swakudya swa wena swa ni madyambu, kutani khwiri ra wena ri ta hola. [“Haleluya! Haleluya! Haleluya!”]

³⁰⁴ I kotala u ri karhi u karhatiwa hi nhlana, i nkarhi wo leha wu ri karhi wu ku xanisa. Famba, u ri karhi u pfumela . . . Famba, u ri karhi u pfumela leswaku u ta hola, kutani Xikwembu xi ta ku endlela swona. [Makwerhu a ku, “Xikwembu xi ta swiendla. Amen.”—Muhleri.] Amen. Sweswo hi swona. [“A ku dzunisiwi Hosi.”] Hosi a yi ku katekisi, makwerhu. Amen.

³⁰⁵ Vuvabyi byebyo bya chukele a byi nchumu, eka Xikwembu ku byi horisa. Xi nga ha byi susa. Wa swi pfumela sweswo xana? [Sesi a ku, “Ndza pfumela.”—Muhleri.] Swi kahle. Swi amukeli, kutani famba u ri karhi u Xi pfumela hi mbilu ya wena hinkwayo.

³⁰⁶ Nakambe u na byona engatini ya wena. Wa pfumela leswaku Xikwembu xi ta ku hanyisa xana? Famba, u swi pfumela hi mbilu ya wena hinkwayo, kutani u hanya.

³⁰⁷ Wa pfumela leswaku Xi ku horisile loko sweswo swi ta ku ba xana? Xi swi endlile.

³⁰⁸ Lexi karhataka manana. Vuvabyi bya mbilu. Wa swi pfumela xana? [Sesi a ku, “Ndza swi pfumela.”—Muhleri.] Tifambeli, u—u hola hi Vito ra Yesu.

³⁰⁹ Wa pfumela leswaku Xikwembu xi nga hanyisa nhlana wa wena xana, tinsu ta wena ti ta....A xi ku katekisi! Ntsena ti yeli emahlweni.

A ndzi hanyisi. A ndzi swikoti ku hanyisa. A ndzi muhanyisi.

³¹⁰ Xana u nga ehleketa yini loko Xi vulavurile ha nhlana wa wena, wa pfumela leswaku wu ta hanyisiwa na wa wena, xana? Swi kahle, ntsena ti fambeli, u ri karhi u swi pfumela, kutani....Ntsena famba u swi pfumela, hi mbilu ya wena hinkwayo.

³¹¹ Na wa wena, wa pfumela leswaku Xikwembu xi ta ku hanyisa xana? Ti fambeli, u swi pfumela, hi mbilu ya wena hinkwayo. Xikwembu xi ta swi nyika loko u...U fanele ku swi pfumela, hambi swi ri tano.

³¹² Wa pfumela leswaku Xikwembu xi ta ku hanyisa xana, na wena? [Sesi a ku, “A ku dzunisiwi Hosi! Ndza pfumela hakunene.”—Muhleri.] Swikahle. Xikwembu a xi ku katekisi. Ntsena hundza u famba kutani u pfumela hi mbilu ya wena hinkwayo.

³¹³ Tshunela, nkulukumba. Thonsi ra khale ro basa ri wela ehansi. Swikombiso swa muxaka walowo swi nga ha kombeta chukele. [Makwerhu a ku, “Chukele.”—Muhleri.] Wa pfumela leswaku U ta ku hanyisa xana? A hi yi eXihambanweni hi ya tsamekanya sweswi. Hi ripfumelo, hi Vito ra Yesu Kreste, a nga ha horisiwa. Amen. Xikwembu a xi ku katekisi, makwerhu. Pfumela hi mbilu hinkwayo ya wena. Wa pfumela xana? [“I ntiyiso hakunene.”]

³¹⁴ N’wina ke van’wana va n’wina eka vayingiseri? Mapfumela hi timbilu ta n’wina hinkwato xana, leswaku Yesu Kreste hi yena tolo, namuntlha, ni hilaha ku nga heriki? Ma swi pfumela xana? [Nhlengeletano yi ku, “Amen.”—Muhleri.]

³¹⁵ Hala xifundzheni *lexi* xona ke? Manana nyana lontsongo a nga tshama, a ndzi languteke lahaya, u karhatiwa hi vusati, wa pfumela leswaku Xikwembu xi ta ku hanyisa xana? Ntsena loyi a nga ambala khanchu wa wasi ehenhla. Hi yena. Wa pfumela sweswi, Yesu Kreste u ku hanyisile. Ntsena swi olovise xisweswo.

³¹⁶ Manana loyi a nga tshama endzhaku ka wena, wa misisi ya ntima. U teri, “Ndza Ku khensa, Hosi.” Swin’wana swi n’wi bile. A nga switivanga leswaku a kuri Yini. Ku xanisiwa hi thundhelo ku fambile, wena u nga tshama lahaya, endzhaku

ka manana loyi a ha ku hanyisiwaka sweswi. Loko u pfumela hi mbilu ya wena hinkwayo, manana. Wa pfumela xana? Swikahle, yimisa voko ra wena loko u lava ku swi amukela. Xikwembu a xi ku hanyisi.

Loyi yena ke a nga ehansi lahawani, un'wana loyi a nga *lahawani*?

³¹⁷ Endzhaku lahaya eka vayingiseri, sweswi hi ku xixima ka ntiyiso. Mi nga tshukunyuki. Wa vona, vuvabyi lebyi byi ta mi tlulela.

³¹⁸ Wena ke, nkulukumba? Mukhalabya loyi a nga tshama lahawani eka xitulu lexi ke? Wa pfumela xana? Wa pfumela leswaku Xikwembu xi ta ku hanyisa xana? Mahlanganisi, nakona u na sindzekelo. Wa pfumela leswaku Xikwembu xi ta swi susa sweswo xana? Wa pfumela xana? Hi swona, u nga hava ni leswi u nga swi kombela. “Loko u pfumela!”

³¹⁹ U anakanya yini, manana, wena u nga tshama ekusuhi na yena? Wa pfumela xana, na wena? Wa pfumela xana? Wa pfumela leswaku Xikwembu xi nga ndzi byela leswi swi ku karhataka xana? U le kule na mina. Ntsena pfumela eka Yena sweswi. Wa pfumela leswaku ndzi ku byerile Ntiyiso xana? Kutani ngati ya wena leyi tlakukeke yi taya ehansi. Wa swi pfumela xana?

³²⁰ U yimisile voko, na wena. A wuri eku ringeten i ka ku n'wi tiyisa. Wa pfumela leswaku Xikwembu xi nga ndzi byela leswi... A wu endla kahle loko u n'wi pfuna, na Xikwembu xi tava kahle hi ku ku pfuna. U na xiphiqho xa ximoya lexi xi ku karhataka. Loko sweswo swi ri ntiyiso, fambisa voko ra wena tani hi *leswi*. Xi ta tshamiseka sweswi. Xi ta xi lulamisa.

³²¹ I vangani lava va pfumelaka xana? I vangani va n'wina lava va nga ta amu...loyi o ka a ngariki Mukreste, a nga—nga na matwele ya leswaku Yesu Kreste u kona lahawani sweswi, loyi a nga ta tsakela ku yima sweswi, aku, “Yesu, ndzi tsakela ku titivisa hi vumina leswaku ndzi mudyohi, xana U ta ndzi rivalela swidyoho swa mina xana?” Yima hi milenge ya wena. Xikwembu a xi ku katekisi, nkulukumba. Xikwembu a xi ku katekisi. Sweswo i...Xikwembu a xi ku katekisi, na wena, na wena, na wena. Leswi, Xa mi vona. Xi tsarile vito ra wena ehansi loko u endla sweswo.

³²² Ehenhla lahawani eka balkhoni, yimani, mi ku, “Hosi Yesu, ndzi lava ku, ndzi lava ku titivisa. Ndzi lava tintswalo eka moyo wa mina.” Xikwembu a xi ku katekisi, nkulukumba. “Ndzi lava tintswalo, Hosi Yesu.”

³²³ A wu swi voni, munghana, leswaku Xi kwalahawani? Xikwembu a xi ku katekisi, wanuna lontsongo. Xikwembu a

xi ku katekisi. Xikwembu a xi ku katekisi, manana lontsongo. Wolowo i nchumu lowukulu ngopfu lowu u nga tshama u wu endla. Sweswi un'wana loyi a nga swi endlangiki, yima, i ku, "Ndzi lava ku tivula, Hosi Yesu. Ndza tivula hi vumina, madyambu lawa."

³²⁴ "Loyi a tivulaka ku dyoha ka yena, u tava ni tintswalo. Loyi a tumbetaka ku dyoha ka yena, a ngaka a nga kateki."

³²⁵ Xana u ta swi endla, eka Vukona bya Yena xana? Xikwembu a xi ku katekisi, manana. Ndzi lava... Xikwembu a xi ku katekisi. Ina. Kutani Hosi a yi ku katekisi. Xikwembu a xi ku katekisi, nkulukumba. Xikwembu a xi ku katekisi, manana. Hosi a yi mi katekisi.

³²⁶ Mi ri, "Sweswo swi ngava swi vula swin'wana?" Exikarhi ka rifu na vutomi, sweswo swi hambanile.

³²⁷ Mi byi tekele nhlokweni Vukona bya Yena lahawani xana? Mikale mi swi tekela enhlokweni sweswo xana? Mikale mi swi twa sweswo? Wa vona, ma Ri vona, maswivona loko Ri tirha. Yaloye hi Yena. Sweswo hi leswi hakunene A nga swivula leswaku U ta swi endla. Xana ma swi pfumela xana? [Nhlengeletano yi ku, "Amen."—Muhleri.]

³²⁸ Un'wana loyi a nge, "Ndzi lava ku tivula tani hi mudyohi, Hosi. U ndzi rivalela swidyoho swa mina sweswi." Loko u yimile, ntseña yimisa yoko ra wena. Van'wana va n'wina ku rhendzeleka hi khumbhi, yimisani... Xikwembu a xi mi katekisi. Xikwembu a xi mi katekisi. Un'wana loyi a nge, ehenhla eka balkhoni ku ya fika emahlweni, la nge, "Ndzi lava ku tivula, Hosi Yesu. Ndzi kombela tintswalo, madyambu lawa, eka Vukona bya Wena lebya Matimba, hi ku pfumela leswaku, Xikwembu lexi nga ta ndzi avanyisa, Vukona bya Xona byi kwalahawani sweswi. Wa switiva leswaku U le ku vulavuleni embilwini ya mina niku ndzi byela leswaku ndzi hoxile. Ndzi lava ku yima niku ndzi hoxile. Ndza tivula leswaku ndzi hoxile. Wa ndzi avanyisa, embilwini ya mina." Xexo hi xona xivangelo xa kuva ndzi yimile hi layini ya xikhongelo. Xikwembu a xi mi katekisi. Xikwembu a xi mi katekisi.

³²⁹ Mi ehleketa leswaku a ndzi yi yimisela yini xana? Ndzi yi yimisile hikuva a ndzi tiva leswi a swi fanele ku humelela.

³³⁰ Sweswi, ku ni van'wana lahawani, a mi swilavi ku yima xana? Yimani mi vula Leswi swi vulavulaka etimbilwini ta n'wina, leswaku mi hoxile. Xikwembu a xi ku katekisi, nkulukumba. Xikwembu a xi ku katekisi. Xikwembu a xi ku katekisi. Xikwembu a xi ku katekisi. "Ndzi hoxile. Ndzi rivaleli, Hosi. Ndza tivula. Ndza yima, Hosi, eka Vukona bya Wena. Ndza switiva. Ndzi... U fanele kuva kwalahawani. U teri leswi kutava ku ri—ri leswi U nga ta swi endla. Sweswi ndzi ta... ndzi vona xikombiso, nakona ndza switiva leswaku

xi hlamuseriwile eka mina leswaku ku fanele kuva na xikombiso xa siku leri. Ndzi twa Rito leri ri hi tlheriselaka ekuhundzukeni. Hi mina loyi, Hosi. Ndza xi pfumela xikombiso. Ndza ri twa Rito.”

³³¹ Rito ra vulavula na n’wina sweswi! Jika, O ku hangalaka! Jika, O nyeleti leyи yi tsendzelekaka! Jika, O wena loyi u nga huma u va ehandle! Jika, madyambu lawa!

³³² A wu swilavi ku jika xana? Ntsena yima i ku, “Ndza tivula tani hi mudyohi, ndzi kombela tintswalo.” Xana a nga swi endla, un’wana? Xikwembu a xi ku katekisi, manana. Xikwembu a xi ku katekisi, ehenhla lahaya, jaha. Loko ndzi nga ku hundza, Yena a nge ku hundzi. Xikwembu a xi ku katekisi, manana. Sweswo swi kahle swinene. Sweswo swi kahle swinene. Un’wana nakambe? Ntsena tshamelani ro... ndzi lava kuya nyana emahlweni ntsena minete, hikuva ndza ha twa ndwalo lahwani, wa vona. Un’wana nakambe? Xikwembu a xi ku katekisi, manana. Yaleylo hi yona ndlela yo swi endla. Sweswo hi swona. Un’wana nakambe, “Ndzi lava ku tivula, ntsena ndzi yimisile ndzi vula leswaku ndzi hoxile. Ndzi kombela tintswalo”? Xana mi nga swi endla xana? Hi ku hatlisa hi nga se ya emahlweni, yimisani mi ku, “Ndzi lava ku tivula hi vumina, Hosi Yesu.” Xikwembu a xi ku katekisi, manana lontsongo.

³³³ Maswitiva, kumbexani mi nga se fika ekaya, kambe nkarihi wun’wana kumbe wun’wana kutava ni nkungwa wo titimela exikandzeni xa wena. Kumbe mixo wun’wana dokodela a nga ha ta a fika a twa ku ba ka mbilu ku huma hi le mavokweni ya swiambalo, kuri hava lexi a nga xi endlaka. Kutani u ta twa magandlati yo titimela ya rifu ma papamala exikandzeni xa wena. U ta tsundzuka leswi u swi endleke.

³³⁴ Tsundzukani, va ngaka va nga ku lahli laha ku enteke swinene, va ngaka va nga ku endleli nchumu. Xikwembu xi tshembhisile, “Ndzi ta ku pfuxa nakambe, hi siku ro hetelela.” Langutani. “Loyi a yingisaka Marito ya Mina a pfumela eka Yena loyi a Ndzi rhumeke, u na Vutomi lebyi nga Heriki nakona a ngaka a nga Avanyisiwi, kambe u hundzile eka rifu a ya eVuton’wini.” Un’wana a swi susi Sweswo loko mi nga swikota. Yesu Kreste u vule Sweswo. “Loyi a pfumelaka, loyi, a twisisaka Rito ra Mina a pfumela eka loyi a Ndzi rhumeke, u na Vutomi lebyi nga Heriki, a ngaka a nga Avanyisiwi, ku sorowi, kambe u hundzile eka rifu a ya eka Vutomi.” Hikuva, u pfumerile eka N’wana loyi a nga swakwe wa Xikwembu, leswaku Xikwembu xi n’wi pfuxile, madzana mbirhi wa malembe lawa ya hundzeke, kutani wa hanya namuntlha, madyambu lawa, U le ku kombiseni ka nkoka wa ku pfuka ka Yena.

³³⁵ Ku nga hava kuri ni un’wana a nga yimaka, endzhaku ka sweswo, un’wana u ri, “Ndzi lava ku Ri amukela. Ndzi lava

ku N'wi amukela." Xikwembu a xi ku katekisi. Xikwembu a xi ku katekisi. Sweswo swi kahle swinene, manana lontsongo. Walowo i nchumu wa vutlharhi. Ndzi mi lava leswaku mi xiyisisa.

³³⁶ Ndzi hlalerile ku vitaniwa ka lava va tweke rito, lahawani nkarhi lowu nga hundza, vanhu va tile, vari karhi va cakunyha va cakunyha tichingama, vari karhi va ba van'wana hi swibakele atimbambini.

³³⁷ Kambe mikale mi xiyisisa ku tshembheka ka swikandza swa vanhu va kona? Vavasati va vona lavantsongo, hambi loko va tava va va sorile hi ku boba misisi ya vona, vatole switolatolani; ni switolatolani sweswo, ni misisi leyi nga bobawa, va yimisa xi sweswi ku fanana, "Ndzi mudyohi. Vana ni tintswalo eka mina, Xikwembu." Teto i Timbewu ti nga lahaya. Ku Vonakala ka ku tlhavela, kutani va switiva. Xikwembu a xi mi katekisi.

A hi korhamiseni tinhloko ta hina sweswi.

³³⁸ Ndzi lava mupfumeri un'wana na un'wana lahawani, loyi a yimeke ekusuhi na munhu loyi a yimeke, tlhandleka mavoko ehenhla ka munhu yaloye, (mi ta swi endla xana?), eka loyi a nga yima. Va yimile ekusuhi na n'wina. Loko u ri Mukreste, n'wi tlhandleki mavoko, eka sesi, buti, "Ndzi tlhandlekile voko ra mina sweswi. Ndzi ya eku khongeleni."

³³⁹ Tatana wa le Matilweni, kuni lava va nga lahawani madyambu lawa lava—lava va pfumelaka eka Wena. "Timbewu tin'wana ti wele ethelo ka ndlela," U teri, "swinyenyana swi tile swi ta ti hlengeleta. Tin'wana ti wele emaribyeni, nale mitweni nale mahlwewlweni. Kambe tin'wana ti wele eka ya kahle, misava yo nona." Kutani Vukona bya Wena kuva byi ri lahawani, madyambu lawa, byi khorwise votala lahawani madyambu lawa leswaku Wena u N'wana wa Xikwembu, leswaku Wa hanya hilaha ku nga heriki. Nakona U tshembhisile, hikuva Wa hanya, na hina hi ta hanya.

³⁴⁰ Hosi Yesu, va yimile kutani va yima tani hi timbhoni ta leswaku va Ku pfumela. Sweswi, Hosi, ndza switiva leswaku U tava yimela hi Siku lero. Hi nyike swona, Hosi. Ndzi va nyika Wena, hi Vito ra Yesu Kreste. Leswaku va nga haya eka kereke ya kahle va tlhela va khuvuriwa hi nkhuvelo wa Xikreste. Leswaku va nga ha hlangana kun'we ehenhla ni ntlawu wun'wana wa vapfumeri. Leswaku va nga ha tatiwa hi Moya lowo Kwetsima. Leswaku va nga hava swidlodlo swa Evhangeli, vava ribye ra nkoka eka xidlodlo xa Wena hi Siku lero. Kutani loko ndzi nga ha va voni nakambe eka tlhelo leri ra Siku lerikulu, ndzi nga ha va vona hi Siku lero tani hi le ka xivono, ndzi ku, "A ma ha ndzi tsundzuki xana? A xi ri eBaton Rouge, vusiku byebyo, loko ndzi tava ndzi yimile kwalahaya." Hi nyike, Tatana. I va Wena, hi Vito ra Kreste.

³⁴¹ Hi leswi lahawani, swi nga emahlweni ka mina, bokisi ra swidukwana, swintangwana, mabuntsu, swidukwana, na swiambalo, na tifasikoti. Hi dyondzisiwile, eBibeleni, leswaku va swi tekile swi suka eka mirhi wa Mukwetsimi Paul, swidukwana na tifasikoti, mimoya ya thyaka yi humile yi suka evanhwini. Sweswi, Tatana, ha switiva leswaku a hi va Mukwetsimi Paul, kambe Wa hari Xikwembu xexiya, ndza khongela leswaku Wa ha ta nyika mbuyelo byebyiya, tani hi ku tshembheka ka ku pfumela ka rixaka leri. A va n'wi pfumelanga Paul tani hilaha a ri Paul; va pfumele Paul hikuva Wena u ti xakahatile wena hi Wexe na Paul. Na sweswi va ha pfumela swo fana madyambu lawa, Hosi, leswaku U tikombisile exikarhi ka hina, madyambu lawa. Kutani siku rin'wana, hi vula leswaku...

³⁴² Mutsari un'wana a ri eku hi byeleni, leswaku, "Israel a ri ri endleleni ya rona yo ya etikweni ra xitshembhiso, kutani Lwandle ro Tshwuka ri va pfalerile ndlela, leswaku va nga fiki etikweni ra xitshembhiso." Mutsari u teri, leswaku, "Xikwembu xi langutile ehansi hi Langavi ra Ndzilo, hi mahlo ya vukarhi, loko Ri fambisa Israel. Ri endlile vubofu, munyama eka lava nga pfumeriki, niku vonakala eka Israel. Kutani loko Lwandle ro Tshwuka ri kumekile ri pfarile ndlela, ri chavile, ri vumbana emathlolo, hiloko Israel ri tsemekanya ri ya etikweni ra xitshembhiso hilaha ku omeke."

³⁴³ Hosi Xikwembu, languta ehansi madyambu lawa, hi Ngati ya Yesu Kreste, N'wana wa Wena. Tani hilaha ndzi tlhandlekeke mavoko eka swidukwana leswi; loko swa ha ta tlhandlekiwa eka vavabyi, i ngaku Moya lowo Kwetsima, Hosi, u languta eka munhu yaloye, kutani vuvabyi i ngaku byi nga hambana na yena, kutani i ngaku va nga ha tsemekanya tiko ra rihanyu ra kahle ni ntamu. Leswaku, Bibele yi teri, "Ehenhleni ka swilo hinkwaswo," leswaku va tsakela sweswo leswaku hi "hi hlula eka rihanyu." Hi nyike swona, Hosi. Ndza va rhuma, hi Vito ra Yesu Kreste. Amen.

...n'ta n'wi landza,
Mufambisi n'ta N'wi...(ntsena a hi
yimbeleleni)...n'wi landza,
N'ta N'wi landza, (sweswi Vukona bya Yena
byi lahawani, a hi N'wi dzuniseni hi risimu,
hi ku saseka), landza e ndlelen'.

³⁴⁴ Mi nga ri yimbelela kahle tani hi leswi xana?

Mufambisi n'ta N'wi landza,
Mufambisi n'ta N'wi landza,
Mufambisi n'ta N'wi landza,
N'ta N'wi landza, (loko mi swikota, sweswi
yimisani mavoko ya n'wina), N'wi landza
endlelen'.

A hi yimeni sweswi, yimisani mavoko ya n'wina nakambe.

. . . ku N'wi landza entangeni,

³⁴⁵ Un'wana na un'wana a yimbeleli eMoyeni sweswi. Hi ku tsema Hungu. A hi N'wi dzuniseni eVukoneni bya Yena sweswi. U rhandza ku dzunisiwa.

. . . ne ntangeni

N'ta N'wi landza ne ntangeni,

Ku N'wi landza, landza endlelen'.

³⁴⁶ Sweswi a hi ri hameni kunene. "Ndzi twa . . ." Sweswi loko ma ha endla sweswo, ndzi milava mi tlhavulana na un'wana, mi ku, "Xikwembu a xi ku katekisi, muendzeri. Xikwembu a xi ku katekisi, muendzeri," tani hi sweswo. Hi un'we eka un'wana na un'wana. Methodist, na Baptist, Presbyterian, Pentekostals, hinkwenu tlhavulanani na un'wana. "Xikwembu a xi ku katekisi, muendzeri." Sweswo hi leswi hi nga xiswona: vaendzeri.

. . . ne ntangeni.

³⁴⁷ Xikwembu a xi ku katekisi, muendzeri. Xikwembu a xi mi katekisi. [Makwerhu Branham ni nhlengeletano va ya emahlweni niku tlhavulana. Xivati lexi ngariki na nchumu eka thepi—Muhleri.]

. . . ne ntangeni.

Sweswi a hi yimiseni mavoko.

Ku N'wi landza, landza e ndlelen'.

³⁴⁸ A hi korhamiseni tinhloko ta hina, hi ku titsongahata, hi khongela. Mi nga rivali, ni mixo, xikolo xa Sonto.

³⁴⁹ Hi ndlela yin'wana kumbe swin'wana, ntsena ndzi twa Vukona bya Xikwembu hi ntiyiso embilwini ya mina. Swa ndzi tikela kusuka, madyambu lawa, hi ndlela yin'wana. Ndzi twa Moya lowo Kwetsima wu tsakile, madyambu lawa. Swi nga ha endleka hi va na nhlengeletano leyikulu mundzuku, hi vona vanhu loko vata eka Kreste, maswivona. Un'wana wa hlamlala loko ndzi nga vitananga lava va nga twa rito. Ndza yima ku kondza ndzi va na nsunsumeto wo swi endla. Wa vona?

³⁵⁰ Ndzi pfumela leswaku un'wana na un'wana loyi a yimiseke voko ra yena, kumbe lava va nga yima, ndzi tshembha leswaku mi tava eka kereke yin'wana ya kahle mundzuku, tekani tindhawu eka vapfumeri.

³⁵¹ Loko ha ha korhamisile tinhloko ta hina, hi ta kombela mufundhisi a ta, loko a ta swikota, ku ta hi ntshuxa. Xikwembu a xi mi katekisi sweswi, loko tinhloko ta hina ta ha korhamile na timbilu ta hina emahlweni ka Xikwembu.



RITO RA XIKOMBISO TSO64-0321E
(The Voice Of The Sign)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Muqhivela ni madyambu, Nyenyankulu 21, 1964, eDenham Springs High School eDenham Springs, Louisiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

TSONGA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org